

39

中國名山勝蹟志叢刊  
沈雲龍教授主編

百城烟

79.28.3/38

烽火  
學社

168789

沈雲龍主編

中國名山勝蹟志叢刊

第五輯

文滄出版社

有限公司

印行

中國名山勝蹟志叢刊第五輯  
沈雲龍主編

百城烟水

徐崧  
張大純輯

(一)

文藻出版社

有限公司  
印行

百  
城  
塋  
水  
一

吳江徐臞庵  
長洲張文一  
同輯

百城烟水

影翠軒藏板

1888/05

序

余嘗慕向平五嶽之遊  
而未逮也卽吳中山水  
亦罕涉其二參少時讀  
高季廸姑蘇雜詠旣而  
與修府志循覽古跡所

見千巖萬壑如有烟霞  
泉石吞吐于胸中顧以  
風塵潦倒無濟勝之具  
付之寤歎而已松陵徐  
臞菴先生今之詩人時  
以一瓢兩屐才于數百

里每遇名山大川徘徊  
眺望卽至一丘一壑亦  
必窮搜幽妙尋章摘句  
收拾奚囊中薈萃成卷  
名曰百城烟水蓋取萃  
巖南詢之意同郡張子



文一夙抱雅尚見而悅  
之助其摅撫授剗劂焉  
間嘗攜以示余余曰先  
生可謂吳地董狐矣臞  
菴意欲自吳而往徧及  
江南諸邑匆匆未就溘

焉霜露良可悲也乃其  
殘行剩墨強半散遺張  
子惜其齋志長往重加  
纂輯補綴完書而請序  
于予予于是慨然有感  
夫人情莫不好山水而

山水亦自愛文章文章  
藉山水而發山水得文  
章而傳交相須也無謝  
客之詩則華蓋麻原之  
蹟不著無柳州之記則  
鉅鉅石渠之名不聞臞

菴之有百城烟水匪惟  
自娛亦山靈水若之所  
喜也一旦菴歿得無蕙  
帳空今夜鶴怨山人去  
兮曉猿驚乎然而其人  
亡其書存則張子挂劍

之義亦有足多者焉嗟  
乎予灌園終老不出戶  
庭向平五嶽之興已矣  
庶幾置此卷于座右以  
代臥遊如宗少文畫壁  
撫琴動操衆山皆響先

生其始移我情乎

康熙庚午小春上浣良

翁尤侗謹序







古人登山臨水及友朋宴集類多  
寄懷覽古倡和贈答之篇故曰登  
高能賦可為大夫而春秋諸名卿  
往二賦詩見志如六子七子之列  
是也第當時斷章取義故黍苗蔓  
艸蟋蟀草蟲皆入賦流及後世風



雅之道變而報投之禮繁則又別  
出新裁各寫其心之所欲言蓋自  
蘇李以降其風漸暢而游覽憑弔  
之作至不可枚舉吾吳風土清嘉  
山水秀發雅為騷人墨客所稱道  
傳之歌詩若吳趨行會吟行江南  
樂江南春諸咏為一時絕唱松陵

徐臞菴先生博雅好古耽林泉之  
趣出必囊書載筆按覽遺蹟用輯  
古今名賢辭藻彙為一書時有所  
觸亦必見之吟詠以寄其磊落英  
多之概其為人率真任性不事雕  
飾故與世亦落落寡合晚與余相  
見遂稱莫逆首以是書相參訂時

已鋟板者十之三矣余惜其力之  
勤志之篤也朝夕過從必左右而  
欣助之因得稍<sub>二</sub>就緒而臞菴已  
不可復作矣昔韓退之登華山而  
驚悸發狂謝靈運負濟勝之具而  
伐山開道此皆好奇之過今臞菴  
一觴一詠優游終老雖所遇不及

二人而所得則已多矣刻既成或  
有疑之者曰是書名百城而止及  
姑蘇何也余曰佛書不云化城乎  
無可以為有一亦可以為百也且  
安知有之不藏於無而百之不歸  
於一乎或曰然則何以稱烟水也  
又應之曰詩三百篇大抵不離山

川谿谷鳥獸草木風雨霜露以為  
端亦可知比興之各有所自而感  
觸之兩不相掩也覽者其勿以空  
踈挂漏流連光景之罪二之則幸  
甚矣

時

康熙庚午長至日長洲張大純書

於影翠軒



序  
四

凡例

一書名百城烟水本取華嚴經義第古今名蹟何止百城而錢板問世則姑從蘇州一郡始行將次第旁及觀者幸勿訝其名實之不副也

一是書之刻始于吳江徐臞菴先生襍被奚囊徧訪名勝每以一手足之力撫拾爲艱繼許余爲同志相與商榷付梓今秋臞庵病亟別無他語惟以速成是書爲囑因更加補輯聯綴成編用以慰良友于地下未敢遽云完善也

一山水寺觀園亭諸名蹟自應以類區別止緣取便



一 時遇景卽書蒼萃成紙恐致遺脫隨筆發刊遂爾不及詮次前後錯互自愧無敘耳

一 古人名章麗句流傳已久茲編所錄大約同人倡和之什爲多前人偶登一二以見大概挂一漏萬固所不免

一 當代名公鉅人在駕吳門者類多登臨懷古之作是書止取見聞以及收採入集未能廣爲徵引殊抱滄海遺珠之歎倘蒙賜教當嗣刻以備大觀

長洲張大純文一氏識

同訂姓氏

褚 篆蒼書

長洲

陳匡國非菴

常熟

張 芳鹿牀

句容

汪 森晉賢

休寧

曾 燦止山

寧都

陸曾文西樵

嘉興

許定升香谷

長洲

曹 基德培

吳縣

汪士禎鷗亭

桐鄉

俞 瑒犀月

蘇州

姪 金 魯質人

吳江

汪繼燦倬雲

秀水

孫 徐如璋

吳縣

宋 鏗

吳江

甥 顧楷仁晉裴

長洲

顧植義漢尹

長洲

陸秉鑑陶言

蘇州

弟 大緒成九

壻 王灝維城 吳縣

男

霖禮耕

霑曙來

霏佩蒼

霽錦含

霽融如

霽

姪 安世旦旭

雯漢始

孫

鑑中

中國名山勝蹟志叢刊 第五輯

目錄

百城烟水……	(一)	徐張	大	崧純	輯
百城烟水……	(二)	徐張	大	崧純	輯
百城烟水……	(三)	徐張	大	崧純	輯
百城烟水……	(四)	徐張	大	崧純	輯
百城烟水……	(五)	徐張	大	崧純	輯
揚州圖經……	(一)	焦江	循	潘	輯
揚州圖經……	(二)	焦江	循	潘	輯
揚州圖經……	(三)	焦江	循	潘	輯
揚州圖經……	(四)	焦江	循	潘	輯
黃山紀勝……		徐			著

百城烟水總目

卷一

蘇州府

卷二

吳縣

卷三

長洲縣

卷四

吳江縣

卷五

常熟縣

卷六

崑山縣

卷七

嘉定縣

卷八

太倉州

卷九

崇明縣

百城煙水卷之一

吳江 徐崧

長洲 張大純 輯

蘇州

府城泰伯築城梅里

號爲勾吳今屬無錫

諸樊徙都於此迨闔

閭時子胥築大城

周圍四十二里三十步府志云四十七里寰宇記云三十里

小城

周十里

陸門八水門八

東曰婁曰匠西曰閭曰胥南曰盤曰蛇北曰齊

曰平皆子胥命名時周敬王六年也吳越春秋惟聞蛇望齊越絕書作閭胥盤蛇婁匠齊平而葑赤不與續經作盤蛇閭胥至隋楊素徙城橫山東

新

郭唐武德初復舊

以臥龍街東屬長洲西屬吳縣

王郢之亂刺史

張重築之八門悉啓梁武德二年始以磚甃

高二丈四

尺厚二丈五尺內外濬濠

宋初門已塞二

惟閭胥盤葑婁齊六門

後胥門

亦廢政和中復修治之宣和五年重甃

建炎兵燹淳熙

中郡守謝師稷又繕完之

至開禧間墮圯殆半而城墮多爲畦蕩所侵時

史彌遠爲常平圖復之

嘉定十年郡守趙汝述沈皞相繼修

治寶祐二年趙汝歷增置女牆補建葑婁齊三門

開慶元年詔復增修景德末風壞婁齊二樓咸淳初重建

元定江南凡城池悉

命剷堙至正十一年兵起詔天下繕完城郭郡守

高履築壘開濠還闔胥門

城高三丈三尺厚三丈五尺面廣丈六尺每門

上建戍樓下作娥眉甬道夾以長濠

至張士誠入據增置月城明更



**加修築**

周三十四里五十三步九分高二丈三尺城內大河三橫四直在故吳時東門不啓

欲以絕越唐時八門悉啓宋初啓閭胥盤葑婁齊

六門後胥門又廢迨元而復各有水陸門惟胥無

水門赤門今南城下有大溝外濠之水從此入視橋

門有赤匠門一名干將門閭使干將於此鑄劍

門灣今葑婁之間有匠門塘或省稱曰將

門蛇門越在巳爲蛇故置木蛇

平門吳伐齊從此出軍因名今

有平門塘一云巫咸所葬又名巫門

**文天祥**樓臺俯舟楫城郭滿干戈故吏歸心少遺

民出涕多鳩居無鵲在魚網有鴻過遂使

唯陽志安王賓商家太戊有真臣葬在平門野水

危今若何濱寒食杏花風雨裏一杯椒醬奠

何張羽同人寓吳門懷古之作片帆迢遞入吳

人烟竹潑蘆洲斷復連柳影濃遮官道上蟬

聲多傍驛樓前近湖漁舍皆懸網向浦人家

盡種蓮行到吳王夜遊處滿川芳草獨堪憐

**范成**

蘇州

蘇州

大

閭門初況二十四韻好在馳烟路平生載酒行

摧藏身久病契濶歲頽更昨夜燈花曉今朝稻  
把晴出門新夢境觸日舊詩情水遠推篷眩天寬  
倚柁驚轉灣添絳挽菴岸併篙撐舫後裝兒女鱸  
前酌弟兄醅香新麴嫩茗味小春輕紅縹分霜果  
黃鴛然夕英嶺林疎露屋朱閣靜臨城桃塲論今  
昔楓橋管送迎山腰樵擔動木末酒旗明竟日密  
烟直中流塔影橫數帆殘照滿一笛暮江平晒網  
楓邊桁牽督柳際柳岫雲縈石住田水穴堤鳴過  
渡牛歸速穿籬犬吠獐魚寒猶作陣雁遠更聞聲  
急榜潮痕出疎鐘暝色生鄰翁欣問訊逋客愧寒  
盟一昨成歸臥于今負偶耕生涯都塌颯心曲漫  
崢嶸猿鶴休多怨菰蓴尚可羹藥囊吾厭苦扶憊  
且班荆宿閭門五更潮落水鳴船霜送新寒到枕  
邊報道霧開紅日上

徐有貞

閭門城樓初成郡守劉公瑀讌余於樓上

野翁猶蓋短篷眠  
卽席賦閭闔門開近帝州麗譙新建倚高秋人間  
看盡三千界天上移來十二樓往事名傳吳伍相  
平生心在漢留侯斗牛宮闕當頭是何必乘槎海  
外遊又碧城樓子聳晴空聲振江山鼓角雄高下

亭臺花霧裏往來舟楫水雲中賦才世已無王粲  
飲興時因有庾公雙手可將紅日捧扶桑只在畫

欄

**沈明臣**

閩門行閩門日出人如蟻閩門月白街  
如水迤邐南行百武餘令人忽墮雙眸

兩今人多在古人亡亡者不亡生者死梁鴻墓要  
離塚春風吹平一坵隴四時不莫遊人榮睥睨落

日空牛羊千秋不改專  
諸巷萬世猶聞俠骨香

**史弱翁**

夜看閩門市千門  
烟火夜方新十二

街頭画粉勻惱恨春風離  
亂後黃昏燈市更無人

**徐乾學**

閩門阻雨遇舅  
氏出所著詩句

出郭逢風雨還欣見渭陽久遲殷羨信已返子猷  
航詞客題黃絹奚奴出錦囊客行逾兩月楓樹結

秋

**張籍**

閩門共踏長安街裏塵吳門獨作未歸  
霜身胥門舊宅今誰住君過西塘與問人

**長文**

賢守憂勞鬢欲霜通宵霹靂滿吳疆五湖水  
潤魚龍喜九曲塵清檜栢香九曲路自姑胥

更入高鄉多擺撥雖當淺處泛餘艍  
為霖事業傳家世潤澤應難限一方

**歐大相**

胥門  
蓼花

風起渚蓮飄處處菱舟趁晚燒吳苑幾年無霸氣  
胥門終古有歸潮楓林竹岸斜連郭水寺溪林盡

帶橋獨有館，姓官外汪廣洋。登胥江驛亭，小閣開

柳年年烟雨鎖長條。簾望遠岑暖風晴日

轉流鶯，胥江流水清無范成大。晚入盤門，人語嘲

底擬比春愁一樣深。喧晚吹涼萬窓燈

火轉河塘兩行碧柳籠官渡，一簇紅樓壓女牆，何

處采菱聞度曲，誰家拜月認飄香，輕裘駿馬慵穿

市，因倚蒲虞堪。吳下口占，吳王城外水連村，梅雨

團入睡鄉，新晴海霧昏，誰復吹簫市，朝變夕

陽芳草斷人魂，盤門南兩廟前霜，柘閭閻屠隆。吳

城下寒潮風雨扁舟，徑過傷心無復吹簫

尋朱大復不遇，明日置酒相招，傷離道故，悽然與

懷賦贈水泮，長湖水漸流，故人只在百花洲，吳門

匹練應難見，笠澤扁舟定易求，我自鳴榔歌款，乃

君今倚酒聽，筓篲相逢莫問浮，沉事乞得黃冠對

白史弱翁。盤門瑞光寺，紺殿橫雲出涼風，動四垓

鷗，馬嘶春草路，榆蔭講經臺，萬戶焚香，皆偏

諸天拱不開，方知龍屠隆。吳歌八首，下田春水深

象力切火未能灰，高田春草綠何故，把長

鋤無錢買黃犢，兩男易斗粟，猶勝委長渠，廚中

無夜飯，門外催官租，天上明月光，躑躅照華堂

富家一夕宴貧家千日糧○蓮子湖中生亦在湖  
中長嬌女年十三乘舟學蕩槳○風篷鳴夜雨水  
檻出蒼烟夫妻湖口住白首不相捐○終朝出耕  
田薄著歸織布誰家懷春女輕衫若烟霧○公子  
服春羅佳人畫翠蛾共**曹基**葑門亞字城東路幽  
栖步履存鶯花宣市  
乘青雀舫倚醉唱吳歌  
井蝦菜競晨昏局設遙聞織舟停  
半在門道懷誰最勝携杖過南園**顧涓**婁關夜泊  
古堞蒼茫  
裏荒江此泊船鄉音殊昨夜端夢逼殘年客子  
尋烟語人家閉月眠忽聞羌管發極目畏途邊**顧**  
**阿瑛**發齊門東方晨星如月明舟人換舵聽雞  
鳴自憐不合輕爲客莫厭秋風攪樹聲**周**  
**砥**次韻發齊門西風洲上荻花明秋水船頭落  
雁鳴誰抱琵琶涼月裏向君潭作斷腸聲**劉**  
**曙**泊齊關醉後寄開采兩弟齊關細雨木蘭船樽  
酒淋漓欲叩舷偶別亦生棠棣感如何大被不

同眠

南園在子城西南與東墅皆廣陵王元璩帥吳時其

子衙內指揮使文奉所勅經營三十年極園池之

勝有安寧廳思玄堂清風綠波迎仙等三閣清澗

涌泉清暑碧雲流杯沿波惹雲白雲等八亭又有

榭亭二

就樹爲榭柱

及迎春百花等三亭西池

在園廳西

有

龜首旋螺二亭

廣陵王帥吳因治南園爲島嶼峰巒出於巧思錢氏去國此園不毀

祥符中知州秦義葺之

以會寮吏館使朝貴皆爲賦詩參知政事郡人丁謂

爲序時景靈宮購求珍石郡中亦於此取貢京師其間臺榭歲久傾圯

呂濟叔常作

熙熙堂厥後守將亦加修葺

每春縱士女遊覽

先是長洲

令王禹偁常携客醉飲賦詩

丁謂詩天子優賢似有唐鏡湖恩賜賀知

章他年我若功成後乞與南園作醉鄉

大觀末蔡京罷相欲東還詔

以園賜之

蔡京詩八年帷幄竟何爲更賜南園籠  
退歸堪笑當年王學士功名未有便題

詩續志云南園昔甚廣袤異木奇石多爲朱勗取  
進獨一松盤根大不可移而止今府學後一方之

地亦故址也獨有清流崇  
阜可以彷彿當時之勝蜀人高氏常得一隅經

營之而流杯出焉因作醉鄉亭以倣古

羅隱

南園搏擊路終迷南園且灌畦敢言逸俗態  
自是託幽棲葉長春菘爛科圓早薤齊雨沾

虛檻冷雲壓遠山低竹好還成徑桃夭亦有蹊小  
窓飛野鳥閒甕養醯雞水石心逾遠雲霄分已際

病憐王猛眷愚笑隗囂泥澤國潮平岸  
江村柳覆堤到頭乘興是誰手好持携蘇舜欽西

臺下見名園百草千花特地繁欲  
問吳王當日事後來桃李若爲言梅摯長洲茂苑  
占幽奇岩

榭珍臺入翠微園李露濃山色秀徑桃烟暖一香  
飛月臨夕樹鳥頻遠風揭珠簾燕未歸弭蓋暫歡

成結戀斜陽  
凭檻獨依依胡宿一徧芳菲欲滿林回塘過雨曉  
來深紅妝珠珮交花影白馬春

衫度柳陰向老追攀多強意隨時風物但  
驚心眼前百事輸年少猶解因君放浪吟  
**周元明**

爛熳花時錦繡張無端下馬繫垂楊  
山亭水閣笙歌地合與行人作醉鄉  
**程俱** 臺迹已

荒年來華構壓高岡長林不礙千山月老幹猶含  
九夏霜便覺平泉冠東洛還依綠水記南塘  
蝸廬

却喜通幽徑岸  
曠時來一嘯長  
**成廷圭** 和周伯溫參政九日南園  
燕集步履巉岩若跨鰲望

中詩興與秋高西山拄笏東山展右手持杯左手  
螯近照入湖明塔影斷雲將雨過林臯松間飲散

歸來晚金粉霏霏濕錦袍又范相南園五百秋重  
來訪古轉多愁啼鳥樹老臺空在飲馬池荒水不

流芹泮好從多士樂桂叢誰賦小山幽  
諸公高會詩如錦授簡安能接勝遊  
**高啓** 君不平

樂館古城何處寒雲滿君不見奉誠園荒臺無蹤  
秋草繁白日沉山水歸海寒暑頻催陵谷改皇天

大運有推移富貴於人豈長在請看當年廣陵王  
雙旌六纛多輝光幸逢中國久多故一家割據誇

雄強園中歡遊恐遲暮美人能歌客能賦車馬春  
風日日來楊花吹滿城南路疊石爲山引泉爲池



辟疆舊園何足奇經營三十年欲令子孫永保之  
不知回首今幾時繁華掃地無復遺門掩愁鴟嘯  
風雨種菜老翁來作主空餘怪石臥池邊欲問興  
亡不能語鶴已去人不來一樹兩樹桃花開射堂  
踰圃俱塵灰何須雍門琴但令對此便可  
哀人生不飲胡為哉人生不飲胡為哉 **朱載震**

徐松之晚過南園寓齋不值留詩壁間用韻却寄  
昔傳南園地幽曠接高牆巒壑誇勝賞亭榭稱繁

雄我來止傍舍晚聽但遺蹤荒畦沿淺瀆蕭寺小  
橋通斜陽凝浩翠列岫野烟封出戶須我友冷露

沾衣濃寂寞松陵叟工詩老更窮翩然來吳市坦  
步及暮鐘欲以寫離愁倚杖惜不逢與子將遠別

還真清 **楊賓**南園吳越承平日元璋卜築年池通  
鑄同 兩浙水石帶五湖烟夜月迷遊騎春

風醉舞筵經營三 **張大純**南園懷古名園誰有過  
十載贏得野夫憐 元璋地曠城幽逸思饒

歷久譙遊餘館榭翻新歌舞厭笙簫荷池水碧天  
俱浸藥園春暄土欲膏此日遺踪何處覓周垣惟

見道  
山高

府學在城西南

周一百五十畝

唐李棲筠增學廬宋景祐元

年范文正奏立學

地本南園公得其一隅將爲宅或言當種生公卿公曰吾家貴

孰若中吳之士咸貴其無已手遂以爲學

仍給田五頃以贍學徒延胡

安定公瑗主教事嘉祐中富嚴

刑部郎中

建六經閣

張伯

玉熙寧中校理李紱又割南園地廣之

元祐中公

文掌教事議欲盡南園餘地爲齋廡會范公子純禮制置江淮漕事過家爲奏請詔給度牒十紙充

費戶部郎中劉瑾直龍圖閣王覲大修

長文自建

炎兵燬紹興十一年直學士梁汝嘉建大成殿

鄭仲

熊十五年王暎繪兩廡像復建講堂闢齋舍

鄭億年記

乾道四年直祕閣姚憲闢正路疏泮池立采芹亭

九年丘寤建直廬淳熙二年修撰韓彥古作仰高

亭十四年趙彥操卽六經閣址建御書閣

藏高宗所書石

刻六經洪邁記

堂左建五賢堂

祀陸贄范仲淹純禮胡瑗朱長文

寶慶三

年大風殿閣壞紹定二年復學田租於時林介

直

開王與權

朝請郎

王斌

朝請大夫

李壽朋

直寶謨閣

相繼新之

吳潛記

淳佑六年待制魏峻修

李起

寶祐三年趙與

憲學士拓地鑿池作橋門建齋九

曰敏行育德中立就正隆本教宗室

子弟曰立武教武舉士曰養正教董子曰與賢登俊教士之俊秀

閣後建堂

曰成德曰

傳堂後建詠涯書堂立雪亭右建道山亭

山南園故丘卽

朱長文所題泮山王景齊記

元大德殿宇壞朱虎

兩浙鹽運使

以私

財撤而新之

從治中王都中之謀燕公楠記

至治元年總管師朶

列禿重修延祐間重建六經閣

取張伯玉記文首句名曰尊經揚載

記至治二年錢光弼修廟學

柳貫

至正五年總管

吳重修十五年監郡六十築廟垣

五百七十七丈魏俊民記

十

九年總管周仁又修之

鄭元祐記

二十六年總管王椿

建樂軒

周伯琦記

洪武六年魏守觀卽成德舊址建明

倫堂

滕用衡篆扁

復地之侵於民者五百四十丈展櫺

星門以臨南衢

宋濂王彝俱有記

十五年張守冠塑聖賢

像况守鍾重建明倫堂建齋四

左曰隆禮中立右曰養正志道齋

後有室

訓導投業所

齋上下建兩廊學舍堂後重建止

善堂

易名至善

又建毓賢堂於後

教授何澄記

正統九年李

守從智築墻

六百三十丈

景泰元年朱守勝建會饌堂

三年江守許增建學舍

三十間於毓賢堂後初范公及先賢文昌祠俱在殿

後

天順四年姚守堂徙范公與先賢二祠泮池南

撤文昌祠易隆禮中立二齋名成德達材

建杏壇學門內覆之亭有碑

記重建道山亭

教授黎擴記

六年林守鶚改建廟兩廡

諸賢塑像

歲久且壞

始易以木主成化二年邢守宥重

建泮橋

移射圃於學後

四年賈守奭作游息所前鑿方池

石橋立坊

日衆

成化十年丘守霽大規模之擴建

大成殿

學門故東向歷廟道折而南入仍厚價售居民地拓之與櫺星門並由是基趾方整

規制  
大備

丘去劉守瑀繼其事

吳寬記

二十三年又以先

賢分爲名宦鄉賢各一祠

名宦祀宋王旦富弼歐陽修蘇軾王暎富嚴尹

惇趙希懌陳豈查普趙與憲葉適李侗陸九淵楊簡魏了翁明周忱夏元吉况鍾孫鼎陳選鄉賢祀

唐陸元明陸贄宋滕元發朱長文周南老王夔滕茂實陳長文明陳鎰陳繼陳祚劉鉉杜瓊按名宦

所祀多有不繫於蘇者當更詳之若韋應物則有特祠在文廟旁其扁曰集賢太守及考本傳無是

稱史或失之今士人往往宿此祈夢甚驗弘治三年孟守俊以安定宜

專祀建祠

范公祠左

十二年曹守鳳建嘉會廳

學門外爲師生

迎候十七年林守世遠以朱長文遷入安定祠

今之所制門臨通衢衢南皆平郊左廟外爲靈星門郊之富門處壘土爲小崗隱起入門則洗馬池上有石

橋錢氏故迹也爲神道道左右有碑亭二一宋濂修學記一舊廟學園又北爲紅門爲神厨省牲所

省牲亭又北爲戟門門西爲神庫置祭器樂器門  
內廣庭高陞歷露臺始至殿右學外爲嘉會廳與  
學門相直門之前爲泮宮坊入門東則杏壇直北  
爲來秀橋入鍾秀門路左右名宦鄉賢二祠又北  
范公文定祠又北泮池上有石橋又北儀門門內  
有大池跨以長橋石洞凡七名七星橋過橋始上  
露臺臺上有范公手植栢二今存其一登明倫堂  
堂後至善堂又後毓賢堂又後尊經閣閣後過衆  
芳橋至游息所左采芹亭有小池右道山亭前有  
大池直北射圃中有觀德亭教官之廨宇諸生之  
庾厨分列其後又有池

沼畦圃長松古木云 正德十二年巡撫孫御史

樂提學張御史鰲山協恭修建仍令郡守徐讚主

其事嘉靖間詔天下起啓聖祠敬一亭

乃於大成殿後建祠

六經閣前建亭又學之右  
康熙間建巡撫湯公斌祠

徐崧

郡學爲南園遺址當年臺榭盡雲青締構神  
奇似五丁地爲禽魚園更廣天因草木露尤

靈春風妓舞花間席夜月詩題水上亭欲訪遺蹤  
何處覓且從學圃按圖經贈韓碧滄學博吳會多

人士斯文底甚艱紅牆周道直綠草泮池灣署冷

還憑曠官貧只愛閒陸沉今幾載相對憶雲間庚

臨千歲儉餐宜苜蓿盤曉日官墻龍道直秋風泮水

鯉庭寬輸肯定得先時用補俸仍爲舊日

官吳士重逢應有賴且將名教勗儒冠 **張大純**

道山道山猶是舊山川一片青雲古殿邊北望須

知臨撫署師儒詎敢上峯巔大池芹水春風雨更

宜桂花開後杏花時藻間一

簇生蝌蚪却是文翁洗硯池

**滄浪亭**在郡學東南積水彌數十畝傍有小山高下

曲折與水相縈帶石林詩話以爲錢氏時廣陵王

元璩池館或云其近戚中吳軍節度使孫承佑所

作旣積土爲山因以瀦水慶曆間蘇舜欽得之傍



水作亭曰滄浪

歐陽文忠公詩云清風明月本無價可惜只賣四萬錢滄浪之名始

著

舜欽死屢易主後爲章申公家所有廣其故地

爲大閣又爲堂山上亭北跨水有名洞山者章氏

併得之

既除地發其下皆嵌空大石人以爲廣陵王時所藏益以增累其隙

兩山相

對遂爲一時雄觀

蘇舜欽自有記

蘇舜欽

滄浪一徑抱幽山居然塵市間高軒面曲水修竹慰秋顏迹與豺狼遠心隨魚鳥閒

吾甘老此境無暇事機關

宋傑

滄浪亭滄浪之歌因屈平子美爲立滄浪亭亭中學士逐日醉

澤畔大夫千古醒醉醒今古彼自異蘇詩不愧離騷經

徐縉

滄浪亭作窈窕滄波寺玲瓏水

上扉綠窓雲竹淨朱戶露花晞魚逸情偏躍鷗閒書不飛東鄰精舍近無慮戴星歸

張大純

滄浪亭寥落材莊似烟飛與露濃南城多刈草老圃半栽菘蘇子亭何在潼川院可宗卽今崇祀典

聊以寄

遺踪

韓蘄王府俗稱韓家園卽章氏園也紹興初

韓蘄王提兵過

吳意甚欲之章殊不悟卽以隨軍轉運撤之章窘迫急以爲獻其家百口一日散居

韓氏作

橋兩山之上曰飛虹張安國書扁上有連理木慶

元間猶存山之堂曰寒光傍有臺曰冷風亭又有

翊運堂

耿元鼎記

池側有濯纓亭梅之亭曰瑤華境界

竹之亭曰翠玲瓏桂之亭曰清香館嘉靖間郡守

胡績宗卽妙隱菴

元延祐間僧宗敬建

建韓蘄王廟

黃省曾碑記略

云宋蘄國韓忠武王紹興二十一年八月壬申薨於臨安十月庚子大葬於平江靈岩山厥麓有廟不著攸始李士英宋錄云嘉泰四年立廟鎮江粵稽乘書無之豈卽平江耶我朝成化十年郡守丘

公以王功烈于民請列祀典麓廟則圯矣獻瘞榛莽非禮也傳王寓宅卽孫節使之池館一易而章相國子厚氏龔都官氏又易而韓忠武氏在今南禪寺之左墟故歷歲假而祠焉嘉靖二年天水胡公謂無專官明神不康用撤龍象而廟貌之寺住持良定輩樂而從焉遂俾居守悉蠲里役

**徐崧**

春日遊南禪寺韓蘄王廟蘇公祠何以陶佳日幽尋郡學東樓危鐘不擊禪院起座猶空

蘄公古木斜陽外殘碑細草中蘄王遺像在髣髴有英風**楊賓**韓蘄王墓蘄王未死日樓櫓尚

專征南渡朝廷小中原社稷平兩宮終不返四將亦空名于載墳前樹枝枝拱帝京

**大雲庵近南城**

一名結草菴前有吉草庵**南禪集雲**

**之別院也**

沈周紀遊云竹樹叢邃極類村落間池廣十畝名放生其水從葑溪而西過長

洲縣治由支港稍南折而東復南行至庵左流入環後如帶滙前爲池中有兩石塔一藏四大部經目一藏寶曇和尚舍利東西二小洲槌而方浮洎塔下東洲南次通一獨木橋過洲復接一木橋墩

橋若與世絕自此達主僧茂公房房踞東偏中有佛殿後亘土岡延四十丈高逾三丈上有古栝喬然十尋西亦有房與東房等實茂之姪楨公分樓處也勝國時有斷崖和尚肇業於此繼之寶曇云云

元至正間僧善慶建明嘉靖初僧一峰嵩重修

楊循吉記又錢德洪有藥師堂記主僧攻岐黃就醫者舟楫彌洲渚端有光記以爲此地卽滄浪亭也

沈周

弘治十年八月十七日宿草庵西小寮作塵海嵌佛地迴塘獨木梁不容人跬步宛在水

中央僧定兀蒲座鳥啼空竹房喬然雙石塔和月浸滄浪

文徵明

贈瑛上人曾此詠滄

浪流水依然帶野堂不見濯纓歌孺子空餘幽興屬支郎性澄一碧秋雲朗心印于江夜月涼我欲相尋話空寂新

蔡羽

五載眠雲宅如浮海上舟斷波堪着野人航

梁僧渡熟疎竹鳥啼幽靜得

觀魚樂閒堪學道謀棹

王寵

宿半野堂滄浪池水漲桃花倒映南園雉

歌何處是城裏有滄洲

堞斜古寺日長齋磬  
寂蒲團相對演三車  
**朱璿**此地分南寺曇公舍利

禪房圯塔經何在殘碑記未  
亡莫言凋廢盡濯足有滄浪  
**徐崧**過大雲庵喜遇

樹何年盡凄然瓦礫餘港淤橋已斷泉冽井方疏  
解組堪移榻良辰且著書不期相邂逅沽酒復烹

魚  
**秦江**池塔影餘堦橋憑霧引淤港待人疏暫借

僧房寓聊捫斷碣書良  
辰到孺子解杖得雙魚  
**張大純**過大雲菴憶昔精

燈光連隔岸塔影漾中流日暖魚龍躍  
雲深竹樹稠如何逾百載頽廢剩荒丘

**澣墅**一名許市又圖經云秦始皇求吳王劍白虎蹲  
於丘上遂西走二十五里而失劍不能得地裂

爲池因名其地曰虎嘯至  
吳越時諱鏐因改云澣墅  
居民際水農賈雜處爲

一大鎮舊有巡檢司急遞舖明景泰間置鈔關於

此

**方回**

許市太湖晚山兩白鳥去冥冥古塚多無後荒祠豈有靈異峰巒石骨遠樹散人形兵革

已聳息廢

**王世貞**

過許墅關李叔玄司農要張毛錢吳諸名士餞送分韻楓橋暝

田蒲稗青

色映樓前文采風流盡此筵諸友但能河朔飲使君寧惜水衡錢已將歸思尋張翰若箇逃名似魯

連乘興偶然成別語

**王穉登**

出許市秋水孤帆挂白雲關門楊柳落紛

相期不必衆人傳

紛城中若問陽山色箇箇峰巒翡翠文夜過許墅

簡高司農東歸夜指闔閭城月出津亭聽鼓聲髯

有雙蓬隨歲改舟唯一葉載愁輕却收魚鎖關重

啓不待雞鳴客放行何意司農能好士人間知有

老王

**徐崧**

聞李研齋先生候余不至返棹金陵余獨至許墅作江關動鼓鞞何處可幽棲

野草從人藉山禽向月啼萍枯江路狹水淺客帆

低此際天方旱傷心獨杖藜壬寅夏抄李使君席

上談及天旱不惟病農兼且病商有感而賦驛路

逢秋至清商氣一新西郊猶不雨東海定揚塵賈

船方稀少田家最苦辛江南關國本何以慰黎民

至許墅訪周玉鳧因贈是日立秋偶來堤樹下四

望野雲青秋到應多雨宵來復見星小橋依古驛  
曲巷隱閒庭此地何人在看君有典型香象庵訪  
沈朗情因遇湯陸二子方促裝嶺詩畫吳中最從  
遊似陸潘屏添山色翠椅怪樹根蟠壯歲通禪理  
高情戴簪冠我來君 **張錫懌** 濟墅有憾憶擁圖書  
便去未得共盤桓 對鄴侯豈知梁獄忽  
招尤母心有恨埋青史白骨何年闕古丘曲罷廣  
陵孤雀去魂依漳水碧梧秋明知石火須臾事哀  
些偏能  
動客愁

**廣福庵在澆墅關下塘宋寶慶間僧如素建今康熙**

**初風遇谷禪師重葺旁有陳相公**

平 卽陳廟俗稱廟菴

**徐崧**

客廣福菴閏二月朔日喜晴賦一絕句雨霽春仍在春逢閏不同不妨正二月都送雨聲

中閏二月朔日華嚴一源禪師過訪廣福庵幾日山中返梅花想已無春晴今第一好與踏平蕪廣福庵苦雨欲向金閭道滂沱不可行鵝鳩心亦苦久雨爲啼晴又天意無憑準春光不得開望晴心

總切偏見雨飛來廣福雨中望陽山對面猶難見  
何堪復掩關浮雲長黯黯愁殺是陽山廣福庵香  
花橋陵谷推遷復幾秋寺傍斷港細如張大純題  
溝我來恰值春霖裏猶是橋流水不流  
墅陳相公廟古廟門中曲逆侯一般土木便  
風流誰能宰肉如君善簫鼓喧喧賽不休

全福講寺在周莊宋元祐間建淳祐二年周迪功郎

更新之景定間杲古法師闡教勅賜今額明洪武

高僧寺蓮庵爲左善世住郡城北禪示寂金圍善住嘉靖初寺燬僧秋壑慈

念良能繼創順治丙戌懷濟尙樸重修大殿都督楊承

祖駐札於寺迎海湧峯大像供殿中  
康熙癸丑松陵陶問月建拈歸寶閣

徐松舟泊全福寺逢陶道人重湖杳杳樹層層古  
寺長懸一盞燈日暮停舟逢道者拈歸閣上

話松  
陵



保聖教寺去長洲東南五十里地名甫里唐大中建

宋祥符中僧惟吉重修有古羅漢聖蹟歸有光保聖寺安隱

堂記畧云甫里無二寺蓋白蓮卽保聖之別院也宋熙寧六年僧惟吉重修僅在西廡其後卽爲天隨先生祠子少時尋古碑惟元統二年法華期懺田記存耳成化二十年左善世璇大章迎其母供養于愛日堂重修此寺初壞殿時見梁拱間有板識紹興保佑之年故知以前修搆蓋不一自成化乙未至嘉靖癸亥蓋又七十七年矣寺之西北有安隱堂寺之盛時僧每房皆以堂爲別凡爲堂如安隱比者無慮數十房所爲愛日者亦其一也主僧法慧懼且盡廢故時安隱之房分爲二派乃與同堂之徒復爲合一誓與共守之請爲記

高啓過保聖寺隔江寒霧隱樓臺遠逐鐘聲放艇來亂後不知僧已去幾堆黃葉寺門開

白蓮講寺宋熙寧六年僧惟吉建卽陸龜蒙別業龜蒙

卒後卽葬其旁廟食於此**嘉定十七年錢唐龔時備別建祠堂**

**於左元至正間縣尹馬玉麟重建**齊東野語云白蓮寺魯望祠堂

其像設皆當時物宋咸淳中有盛氏子醉仆其像於水滿腹皆平生詩文稿也知文僂普置盛罪更

爲塑像宋胡宿有甫里先生碑銘

**柳貫**晉中遷寓甫里精舍城隅亦有果園坊容得閒人借草堂何必樵漁之笠澤故多水石近

滄浪過橋稍接魚蝦市泛艇遙憐雁鷺**高啓**白蓮寺池

鄉秋雨幾時能破塊夜燈休負讀書床

上月出露已白荷花香滿池高僧愛清夜留客坐

題詩竹動鳥驚夢草涼蟲語悲閒齋一瓢酒應不負幽期過甫里祠衣冠寂寞半塵絲想見江湖獨

臥時遁跡虛懷明主詔感懷猶賦散人詩釣魚船去雲迷浦闕鴨闌空草滿池芳藻

一杯誰爲奠鼓聲只到水神祠**徐賁**夜投白蓮寺飲別東

家叟行投西寺僧無風收閣幔有月罷廊燈竹夜聲偏集池寒色似疑無端值詩景清興覺逾增

陳道復

秋日宿溪雲堂秋到白蓮寺蕭森渾可憐雲堂搖燭焰石壁弛琴絃淡語三更雨清

心一篆烟遠公知客倦掃榻待高眠

維亭

俗稱怡亭

去婁門三十五里舊無潮汐紹興中方有

之不及二十里外李樂庵常見一道人云潮到維

亭出狀元邑令葉子強因作問潮館識其語後果

驗宋凡二至黃由衛涇狀元及第明凡四至吳寬

毛澄朱希周申時行狀元及第殆今日鼎甲相望

益未有艾

鎮有延福寺中有銀杏一株傳是漢人所植

陳元素

何仲先移家維亭周親於我更芳隣徙宅超然遠市塵路出東門船似馬湖當前岸

浪如銀誰能父子相師友豈少賢豪互主賓潮到此亭曾有餓知君才不讓前人

徐崧

通

亭懷問潮館千年鴨脚樹婆娑亭畔行舟日  
夜過莫問海潮重到未狀元吾郡定應多  
張大

純維亭沽酒遠市酒旗招天高氣次寥沙河停晚  
棹村舍傍斜橋華蓋傾浮蟻橙壘蘸巨螯放懷

成醑酌回沈始熙過維亭輕帆一片玉峯回三月  
首玉峯遙桃花是處開大小維亭都在望

東風吹浪似潮來

橫塘丟盤門西五里爲遊湖入山之路

范成大曉泊橫塘短夢難成却易驚披衣起漱玉  
池清遙知中夜南風轉洶洶前村學市聲

又南浦春來綠一川石橋朱塔兩依然袁弘道橫  
年年送客橫塘路細雨垂楊繫畫船

渡橫塘渡臨水步郎西來妾東去妾非倡家人紅  
樓大姓婦吹花誤唾郎感郎千金顧妾家住虹橋

朱門十字路認取辛夷花莫過楊梅樹

石湖別墅在縣西南二十里楞伽山下宋參政范成

大因越來溪故城隨地勢高下而爲臺榭別築農  
圃堂對楞伽寺孝宗御賜石湖二大字有北山堂  
千巖觀天鏡閣玉雪坡錦繡坡說虎軒夢魚軒綺  
川亭盟鷗亭越來城等處以天鏡閣爲第一

明道八年

周益公過之曰吾行四方園池多矣如蕪林盤圃尙乏此趣

范成大

將至石湖道中書事水綠鷗邊漲天青雁外晴柳堤隨草遠麥隴帶桑平白道吳新

郭蒼烟越故城稍開雞犬鬧僮僕想來迎初歸石湖曉霧朝曦紺碧烘橫塘西岸越城東行人半出稻花上宿鷺孤明菱葉中信脚自能知舊路驚心時復認鄰翁當時手種斜橋柳無限鳴蜩翠掃空

沈自然

宿石湖山足白舫依山寺清眠聽夜分水痕半窓月烟滴滿溪雲獨樹如相待潛魚

靜可聞幽懷無所寄應是惜離群

張大純

石湖秋泛山勢西北來列岫如圖嶂青楓兼白

華曲渚相蕩漾憶昔鷗夷子扁舟信所向  
澤間烟水見奇狀世事幾浮沉黃華自開  
放擊楫遊遺踪達人寄高尙過石湖訪宋聖一  
石湖樓隱擅風流華胄如君亦自優  
面水背山春色好栽花蒔藥鳥聲幽  
小槽分釀能留客永日看雲獨倚樓  
無限賞心同晤語烟波一望快冥搜

張大

緒

石湖秋夜萬籟一時寂卽居與不羣  
湖心吞皓月山背宿歸雲樹影疎還  
亂鐘聲遠亦聞蕭蕭閉

城市隔清

張霖

石湖泛月長橋橫鎖暮山烟十里  
寢少塵氛湖光一鏡天信宿漁舸時  
泛泛倦

飛歸鳥自翩翩枕流不負探梅約  
鼓楫因留戴月緣知是倚人寧耐  
寂數聲款乃放歌還

徐崧

石湖扁舟偶過石湖邊處處來遊  
任客緣日午高僧分鉢飯月明古  
佛對床眠燒香殿駐青絲馬暖

茗林烹碧澗泉耳目一時瀟灑絕  
並無寂寞與喧關八月十八日同  
介公榜伽山看串月歌以紀之

吳門山水誰最勝石湖一片明如  
鏡緣涯上聳榜伽山東望滄臺恰  
相映虎丘八月齊停橈歌樓舞

榭喧笙簫大潮望後甫三日遊人  
盡向行春橋爲言串月此間有  
張燈酣宴忘夜久惟有知者百餘

人兀坐望湖亭上守我來亭上已幾回移筇屐蒼  
跌蒼苔月高一丈始吐出層層金塔重湖開塔尖  
倒射楞伽下流光十里從中瀉中間村落與沙洲  
如現闌干及簷瓦觀者撫掌稱大奇試問遊船都  
不知昔人所見更奇絕寶帶橋橫作天闕玉輪初  
出無纖雲六十二洪各一月斯時白道當橋中或  
言十七十九日猶同山僧閉戶樵夫返何人清興  
窺朦朧中秋後三日同陳均寧王登符曹德培張  
申年陸幽言諸君子赴中翰張文一暨令弟成九  
社長泛湖之約昔賢居最勝葭水兼林巒子屢逢  
大潮山亭跌夜寒矧今曲江家親朋共蓬歡把盞  
不辭醉當筵勸加餐畫舫倚曲岸輕舸渡微瀾菱  
溪路漸狹稻徑畦猶乾爲訪永言堂扶杖更盤桓  
復還行春橋一穿烟嵐中午尙闕寂臨晚仍喧  
攢涼風飄雨花雲氣如飛鸞今夕寶帶洪諒無串  
月觀吾衰願卜晝未能坐更殘不若漸回橈夜臥  
身心陳匡國蘭橈自胥江溯洞橫塘渡言泊湖上  
安村拂袂吳山路青楸間疎柳慈菇翠  
花附紆徐轉林麓晉謁張公墓坐憇丙舍整行看  
甲木護歸途雜歌笑斜炤未云暮時當觀串月又

值海潮怒醉裏如不聞促曳秋帆布良期娛  
王景

期

西山鬱靈秀增勝在石湖湖水清且淺繚繞群  
風動浴鳧一葉任飄泊幾忘身有無遙望縹緲峯

隱躍卷畫圖因懷范文穆高標照三吳至今湖濱

祠石勒田園飲千載應不朽山水曹基人皆思待  
長相俱今日大歡幸憑眺得吾徒

謂然同行二三子鼓棹破曉煙湖光杳無際晴波  
媚遠天鴈詠相閒發高秋倍增妍鷗鷺如舊識沿

洞互後先我來寂無人人闌我且還清言共欣賞  
陋彼管與絃輕風送歸舟淥水明芳荃卜晝不卜

夜未爲世俗牽渺焉張大純八月十八日泛舟石  
絕儔侶擬賦秋水篇

涼露滋紅稻相逢盡勝流擊楫開幽抱飛觴雜恢  
諧綺語舒晴昊湖水泛遙光點綴明沙草魚鱗綠

岸設雁字橫空掃蘆汀帶菱蕩漾風光好秋色  
滿林丘問途揖野老指點望山椒閑雲度鳥道不

須載月遊自喜歸帆早攬張大緒駕舟過西郭風  
勝入奚囊微吟愧搗蕪靜胥江潮笑談



酒未闌已抵行春橋越溪清見底蟹簪橫湖腰歷  
歷湖上峰倒影浮沈寥透迤蒲魚港松徑忘迢遙  
鮮妍隔林花芳意明珠條參差數椽屋頗喜湖山  
饒山上面湖亭明月歡相邀奈何當此夕浮雲障  
清霄管絃吹不開微雨催歸橈

**永言齋**在吳山之麓前臨石湖後繞褒忠嶺楞伽諸

山縈帶左右爲張中翰祖塋丙舍後有雲綿草堂

**泛月樓**志喜亭當春秋佳日湖光山翠宛如圖畫

**沈荃**志和昔潔行公今嗣家聲高山勤瞻望平原  
勉經營於斯重堂構華蔚作前楹命奐諸好

備軒亭次第成雲路**李仙根**置亭春山下搜勝坐  
策驥足超驥從後英雲根衆峰晴霽初佳

氣來清軒綠蘿蔓空壁此中雅韻存幽庭滿芳菲  
枝葉何蔚繁我廬恣迴轉新見長桐孫奇趣臨坐

隅豈並**張天植**具區列峰聳秀勢相呼青松黃柳  
流俗論

門前路自是天然着色圖

### 錢中諧

吳山聳秀南斗傍盤紆起伏何蒼蒼波光萬頃躍明鏡朝

霞夕月還相望信是栖真行樂地歸然古剎金仙寺天開石竒白雲封瑞說牛眠安足異挿嶂懸崖俯五湖曲徑深林餽画圖花香鳥語清塵夢得句驚人酒百壺從此風光歲歲好會見長生顏不老

松柏亭亭蘭桂森

### 徐松

龐敷先生招飲永言齋作仙人又復貽瑞草舊遊踰十載茲復泊湖灣

秋水一孤艇夕陽千萬山蒼松何鬱鬱瑞靄自閒閒爲有前期在依然挈手還

### 彭行先

閣

合初日深山霧色分寒花侵曉雪春樹拂晴雲峰翠林間露書聲竹裏聞歸憑拄杖立一望碧氣氤

### 陸肯堂

過雲綿草堂簡文一成九昆仲塵埃何由隔茲游意自娛水湄縈曲徑山翠引高梧

人靜晝偏永境清心與俱讀書真可羨乞得一椽無

### 黃日起

重九遊吳山過雲縉草堂鬱蔥

佳氣遠相望曲徑透遮古木蒼茵閣成時延月色竹扉啓處納山光楓林漸老猶餘綠橡栗初肥已

帶黃選勝開尊饒逸興不須拾級上高岡

湯公書院在府學西側公撫吳兩載孳孳以崇實返

樸爲務自月吉讀法而外輒舉孝經小學二書會

講學中爲士民勸又延有學行者爲之解錫山張

子秋紹實應辟主講席丙寅春孝經講甫竣會公應召入輔東宮爰屬

秋紹重訂所講口義授梓名曰孝經問業京口張素存爲之序康熙丙寅公內擢

輔導東宮陞禮部尚書詹事府詹事郡紳士思之爲建生祠

及公歿又名書院玉音云廉以自守公絕誕節

餽獻抑豪猾吏胥毀巫覡淫祠自待甚儉日給腐菜蘇人戲呼爲豆

腐湯云

張夏中丞湯公孝經講會告成賦贈時方應召入都求忠於孝得名臣況蒞行臺正放春蔡氏

八分先立學蘇威一卷足安民地呈芝醴祥何覲  
天應星雲義欲陳莫道吳風難變易園橋已有數  
千人丁卯十二月吳郡學宮敬謁大司空睢州湯  
先生新祠感賦自是明良魚水孚翼儲特地召真  
儒坐論敢冒師臣禮行笈會裝養正圖崇政再來  
程叔子邇英誰及范淳夫 恩深分淺畱章在矢  
願來生報豈無又睢水滔滔芒碭迥協忠張許氣  
常培乞骸疏上餘霜鬢馳驛喪歸傍雪臺芳醕共  
招隨地苦直柯先伐問天哀迎神曲奏羣蒿裏日  
暮何煩大鳥來又兩朝供奉老詞臣出入孤忠托  
紫宸請卹遺忠封事壯得旌母節 賜坊新寥寥  
晝錦尚書里落落窮交衣褐人講席置祠靈用妥  
前賢胡范 彭定求前題和韻作楫和美本 帝臣  
適爲隣 祥雲瑞日徧陽春默移流俗登  
三古招揭綱常翼萬民孝友正宜從吉甫保釐不  
復借君陳那堪聽講鱣堂日忍見攀輿痛哭人  
秦江從來 聖主有賢臣暖律吹回徧國春旣已  
清廉持一已欲將仁孝感斯民建坊表母中  
心盡會講開宗大義陳不獨躬  
逢如吾輩兒童聽此識爲人

萬歲樓卽悟石軒址闔郡諸紳輸金建康熙己巳新

正落成勒石恭紀二十六年十一月二十六日

聖諭戶部捐免二十七年田租及二十六年未完錢

糧其道一講臺可中亭皆垣繚於內

尤侗

聖駕南巡臨幸虎丘適萬歲樓落成恭紀一律闕闕天高紫氣浮蒼龍風駕下蘇州

春風初繞千人石曉日羣瞻萬歲樓漢詔獨租追地節唐碑頌德勝之眾吾皇遊豫民歌舞此地

從今號

帝丘張隆天顏有喜重南巡雨露翔敷處處新比歲瀾祖軼漢詔沿途就日戴堯

仁憑臨海國雲生色揮灑吳山筆載春自念蘇州附末吏愧無循績報楓宸又對策形廷諭十

年欣逢此地得瞻天風和鸞旆龍蛇舞春到山塘花木妍吳越萬民沾化雨燕齊千載頌揮絃小

臣感激情何極惟彭寧求三吳羣望幸五位恰時效山呼傍日邊巡鸞輅開南極龍樓仰

北辰 仁共喜

賜租邀曠典

問俗沐深

張大純

厚澤綿

恩被八荒

天顏近

恩光徧海濱

帝力海湧勒

宸章追琢

呈新巧

經營始

載揚子來成

不日斗轉

叶重光星

近重簷

外雲凝

華棟傍百神

齊擁護

萬口共稱慶

江海波瀾

靜中和日

正當翠華勤

補助仙仗

問農

桑扈從威儀

肅巡行道里

長草痕隨轅

合梅信隔

年芳拜手登

三事呼嵩

列兩行

雕欄承寶座

玉砌

擁花房

天語瞻咨

切時雍

道德昌

俗傳丘壑

美

圖記古今

詳虎迹

留銀海魚腸

隱劍銜

兩崖垂蔓

接雙綆

汲泉香煙

斂浮屠聳

林深虛闕

涼風鈴聲

上下

梵刹影

低昂曲澗

潛魚藻

高岡集

張繡幕

好鳥奏笙簧

片石孤臺

迥千年

白鶴翔

嵐浮激

艷仙徑

露微茫

月駕誇行

在雲巖

抒懷愧

簪筆紀盛儼

垂裳渥寵

看桐疊

恩波更

汪三雍

行有頌

鑾輿獻歲

望重臨

華闕先

王會在

周堂

丘同升

期建碧岑

石疊勢增

勝樓高

影入劔池

深風馳

雨集歡

天地鳳篆

文耀古

今自是

昭宣臣

子事經營

靡不盡

中心

丘南小隱在二山門之左係汪鈍翁先生讀書別業

諸門人所修葺也內有員石光潤可鑒故又名十

四石圃其最勝有山光塔影樓

曹基

迎汪鈍翁先生至丘南小隱莫謂名山開翻宜有道居心閒塵不染屋小境偏舒藜杖鄰

翁贈藍輿弟子昇追隨忘旦暮請業未應虛又園居無一畝攬勝在凭樓近市仍違俗看花最耐秋

山光庭樹引塔影視池收張大緒鈍翁夫子虎丘別墅當樓蒼翠

影層層物外蕭閒試一憑高柳遮簷停客杖斜門傍水挂漁簪高懷自許林泉老勝地長宜雪月登

數里不忘來問字丘同升同雁翁謁汪鈍翁先生喜從函丈慰師承

自吳江旅次同岑向水窓千里欲來師事久鳳隱鳳隱丹山穴類稿珍瑜白璧雙螭類稱沈始熙

認釋若許絳紗頻問業不難常繫釣魚艘

過虎丘望汪鈍翁先生山光塔影樓門庭高峻異

禪房欲入踟躕數仞牆隔岸園池分塔影翻隨  
身襟袖共山光階前桃李紛成列架上圖書  
展盡藏自愧家貧難執贄只堪遙睇在斜陽

補遺 曹爾堪

虎丘喜遇徐松之白公堤畔偶停舟忽遇  
高人喜徧遊自別荷園經數載正宜茗館

話三秋酒傾竹葉臨仙逕詞輯梅花憶寓  
樓却怪光陰偏易過雪霜爾我並盈頭 曹基 畫

日登虎丘綠遍山塘花事稀畫船掩映傷斜暉亭  
亭松柏無人賞零落牡丹爭買歸又海湧峯前柳

絮飛輕車細馬闌芳菲可憐如許千人石不及清  
江一釣磯又極目蒼然平遠堂千秋俎豆姓名香

山前書院知多少惟有荒榛掛夕陽又遊人來往  
不辭忙酒肆茶壺夾道傍只爲春花與秋月更無

人說弔 張大純 虎丘散步迤邐山塘盡日留花陰  
吳王樓閣柳陰舟雕欄紅袖因風舉畫

鷓鴣歌逐水流何處豪華馳寶馬幾人間散  
伴沙鷗偶來聊作尋春計嬾漫心期對武丘 張霖

虎丘閒步古樹重陰綠覆丘山房曲磴坐  
夷猶夕陽斟酌橋邊望霸業烟銷起暮愁



**虎丘**一名海湧去閶門七里

高一百三十尺  
周二百十丈

相傳吳

王闔閭葬其下以扁諸之劍魚腸三千殉焉越三

日金精上楊爲白虎故名初時白堤未開山在平

田中一丘耳南是山徑自居易鑿渠以通南北而

達於運河又緣山麓鑿水四周今山徑自西入有

**憨憨泉**

梁時餉餉尊者遺蹟有呂升卿題字

**試劍石**

中開如截亦有紹聖年呂升卿

題字或云秦始皇或云吳王

**千人石**

本名千人坐大石盤陀數畝高下如刻削相傳生公

講經處

**點頭石**

異僧竺道生講經於此人無信者乃聚石爲徒與談般若石皆點頭

**蓮池**

周百三十步巉石旁出而有

**養鶴澗**

在白蓮池

云清遠道士養鶴

**劍池**

謂閶閭葬處兩崖陡削泉於此僧南印構亭

宇或曰卞蘇州

水中澗橫架如橋平穿兩

孔上置饒罐汲水今廢或云秦皇鑿山求劍或云孫權穿之其鑿處遂成溪澗顏真卿書虎丘劍池

四 陸羽石井

秀劍池北上井口方丈餘四傍石壁下連石底泉井冽卽所品第三泉也

宋紹興三年主僧如璧始淘去淤泥五丈許泉出石脉中俗名觀音泉郡守沈揆作屋覆之構亭於

秀其後復廢明正德中長洲令高第重疏響師虎沮洳構品泉汲清二亭王鏊記今復淤

泉

梁僧惠響鑿石爲井泉湧三丈或謂虎爲之跑因名虎跑泉山後倉基上瀆泉也 生公

池

在西 洗盃池 在羅漢臺南 放生池 洗硯池 二池東晉

涇 煉丹井

在同仙 走砌石 李翱來南錄 鐵花巖 在

側 回仙逕

相傳山之西南是 晉王珣與弟珉嘗據丘爲別

墅已而各捨宅咸和二年卽劍池分建東西二寺

唐避諱名武丘寺之名報恩寺會昌間毀後合爲

一宋至道中知州事魏庠奏改雲巖寺塔

隋時建吳郡志

云初立塔基掘得一舍利空中天樂鳴井中吼三日

敕賜藏經閣

有英宗神宗頒賜經

勅其古蹟有梁雙殿

在大殿前二小殿相對淳熙中有僧修建毀之

生公

講臺

唐李陽冰篆分刻四石或云蔡忠惠公筆顧涓考生公講堂劉夢得金陵五題也詩本爲

金陵而作與虎丘無涉後人影借可中亭

一名可

月亦傳

會夢得一方明月可中亭之句

花雨亭

下臨千人坐取方子通生公天人師說法花雨墮語

今廢望海樓

志云劍池上廢址是

古杉

相傳爲王珉所植唐末猶在

御書閣

宋真宗御書三百卷景祐初詔以其副藏于名山相傳在東方丈或云妙莊嚴閣卽其故址致

爽閣

在法堂後

陳公樓

宋隆興二年陳敷文出錢二十萬跨兩岸建樓其上爲井榦以

便汲因名陳公樓石

小吳軒

在寺東南隅朱樂園文稱小吳會張氏名

天開千頃雲在舊方丈前宋咸淳八年僧德五聖

臺山絕頂翻經臺在生公池東南相傳晉時羅漢受

戒臺在翻經臺西相傳昔王珣琴臺相傳塔何胤

講堂在西平遠堂在法堂後致爽閣通幽軒在西

尹和靖先生寓舍楞伽室在舊東名蹟則有悟石軒泉樓

池左大吳軒在五臺之右仰蘇樓在天王殿東相

址明嘉靖間梅花樓樓下有戒珠東山廟祀王珣

俱胡纘宗建關王廟崇禎間巡撫尹和

靖先生祠祀宋儒尹焞洛陽人寓虎丘西庵勝曰

空地建祠黃軫記後二年貳卿孟猷改建於上方

通幽軒之南端平二年秘建丞曹幽易祠為書院

劉宰記元初爲寺僧所據延祐元年移建長洲縣治東烏鵲橋北後廢明初仍於西庵故址建和靖讀書臺嘉靖三年郡守胡纘宗復於臺右建祠今廢

**陳朝散祠**

祀宋知州陳省華

**葉**

**少列祠**

祀宋知州葉參祠在千頃雲之東嘉靖初胡纘宗重建

**姚祕閣祠**

祀宋

郡守姚憲已上三祠乾道五年郡人立教授陳伯震記今皆廢

**魏建議祠**

祀宋知州魏庠

**王翰林祠**

祀宋長洲令王禹偁

**康都官祠**

祀宋知州事康公孝基

**蔣學**

**士祠**

祀宋知州事蔣公堂

**開平忠武王祠**

吳元年常開平奉命討士城駐虎丘

寺得免兵燹因爲立祠今廢

**周文襄公祠**

公撫吳十九年奏減糧額七十餘萬石

**五賢祠**

萬曆二十六年長洲令江盈科卽平遠堂新建祀章公應物白公居易劉公禹錫王

公禹偁蘇公軾盈科有記勒石

**三賢祠**

在西嶺祀宋范公仲淹胡公環尹公焯嘉靖間吳公

一鵬建港公若水記

**申文定公祠**

時行郡厲壇

在三門內左偏

**澹臺滅**

明墓

相傳張士誠築城虎丘土中得石刻曰澹臺滅明之墓

真娘墓

在東嶺上雲溪

友議云吳門女郎真娘死葬虎丘山時人比之蘇小小行容題墓甚多

幽獨君墓

有鬼

詩東嶺草堂

妙喜看經室

楊烈士墓

名椿元未戰死

鴛鴦塚

崇禎末倪妻楊氏葬夫鑿鴛鴦二字於墻石遂自剄

紫栢院

達觀大師剝度

處石觀音殿

小武當

在山後

二程夫子祠

康熙間程文燹

建四賢撫祠

杞夏原吉周忱王恕海瑞巡撫湯斌建

姚文

孟文震陳錫

合祠

蔡忠襄公祠

懋德

徐文靖公祠

沂

二姜先生

祠

兄琛弟垓萊陽人僑居吳門

胡梅

仲夏沈璧甫移居虎丘和史弱翁同訪韻君住城南已數年今移虎阜寺門前紅疎未補

薔薇架綠滿初停菜荊船雨過峰頭分四韻月明石上聽三絃酒釀餅肆皆臨水我欲顛來莫惜錢

# 林雲風

壬辰中秋虎丘紀興二律呈同遊諸君獨上層臺繞曲廊，偶然闖入酒人場。笙歌縹

緲雲千頃，燈火參差月一方。坐向玉壺澄夜氣，飄

來金粟散天香。此時老子顛狂甚，滿引沉酣不計

觴。又海湧名山遠，近知每從秋半聚於斯。寧期願

兔圓，暉夜却遇妖蕪薄蝕時。災異祇應稽魯史，

深何敢續盧詩。所嗟身似張養重晚上虎丘逢張

孤飛鳥三匝，無因借一枝。鞠存黃蘗巖醉

裏看山眼，獨明故鄉人在半山行。吳徐崧虎丘口

姬扶我登樓望，一片空林落葉聲。占午後

來遊漸覺多迴廊，古殿又如何不知爲甚喧闐極

定有佳人結伴過。又最繁華處此山中，花月看來

總不同。惟有無人風雨夜，一般蕭瑟落梧桐。曉發

虎丘留別陸履長姚文初華方雷朱望子俞授子

陳鶴客諸君孤棹凌晨發，風清客路長。碧天開野

霧，白露晃朝陽。樹擁烟中塔，橋低雨後塘。故人何

處隱，回首是金閶。八月十四日同周子潔諸君登

虎丘，遇秦以新，尤久之贈公。笑語喧闐一虎丘，那

容隙地可淹留。樓臺易掩青山面，木葉難開皎月

秋。唱拍終宵無刻斷，鄉關萬里有人遊。當階雜坐

因何事不至更深不肯休訪范汝受李瑤芝於虎  
丘舟次曉起尋良友相逢意始降松聲飄紙局塔  
影挂船窓嘉會江南北同行璧一雙騷壇貽好句  
應得見麾幢十五日同青松爾雨法師舟至虎丘  
四更而歸出庵明月曠無邊一棹飄然映碧天守  
欄津橋喧戍卒焚香水閣鬪嬋娟清秋玩賞中宵  
後茂苑繁華此地偏方外同遊原不俗採菱烹茗  
有新篇十六日小飲江子肩齋中夜同過虎丘赴  
戴我繁開文汪子靜高其猷之約訪友誰知又入  
山深林紅燭映醜顏君方年少才何俊我適心休  
懶欲閒画舫管絃依水次高樓燈火出林間何妨  
捨棹浴堤步夜半青鞋帶露還戊午仲春三日同  
鄧肯堂赴邵待庵明府虎丘之約遲蘭次諸君不  
至一棹期君過講臺臨風倚棹更徘徊空被七里  
堤邊望不見千人石上來鄧尉山深招白鶴河陽  
令好寄紅梅誰知相訪偏相失乞取詩篇當酒杯  
又窈窕雲岩寺來遊倚棹頻輓轡空上下斟酌共  
逡巡白日多生事青山少舊人無聊同舊尹遙寄  
一枝春

邵懷棠

丁巳仲春三日約同人爲虎丘之會  
傍晚始遇徐松之鄧肯堂於寺諸公



不至感賦憶昔移舟赴綺筵如今解組放  
林泉人情自是多炎冷莫怪諸君信杳然  
**王兆雲**

船從金閭來船到虎丘歇  
金閭諸女兒來看虎丘月  
**史弱翁** 庚辰冬同松之  
文將掌文虎丘

訪道開扇公步履尋開士探幽及小春琴鳴流水  
靜花放袖衣新黃葉千年樹青山半醉人還家無

底事蘭棹  
**尤淪** 虎丘竹枝詞對酌橋邊賣酒漿編  
且逡巡 離插竹野花香畫船簫鼓纔停處

跳板攬來上小娘又山下花村幾十家春蘭秋  
菊雜羣葩朝來抱甕真勞苦分遣妻兒去賣花  
**徐**

**開任** 前題禪堂盡建達官祠諸佛西天恐不  
支短簿有靈應自悔當年第宅爲誰施  
**錢中**

**諧** 春日虎丘瑟瑟春寒雨乍晴聊持蠟屐一山行  
消沉劍氣空千載綠繞鶯花有萬情玉笛飄來

吹折柳羽觴浮處濯垂纓明朝  
不淺籃輿興引得天風兩腋生  
**方象瑛** 吳門遇徐  
松之懷人

曾泛剡溪舟聞說囊詩向虎丘廿載著書依北寺  
頻年清夢繞南州萍踪喜接千人石豪爽誰誇百

尺樓我欲與君同載  
**陸來** 同友再集虎丘野店臨  
酒吳江楓落正驚秋  
山徑重來醉濁醪餘花

還戀席遠客暫停撓物俟新櫻笋歌  
聲雜楚騷相看俱白首垂老與偏豪  
**濮淙**真娘墓  
芳草離

離落照殘真娘墓上晚風寒廿年  
翻盡江南曲無數琵琶月下彈  
**董漢策**丁巳秋  
寓月駕

軒旬日不知麗翁近在虎丘方丈也賦此志悵訪  
月來松關徵歌厭羅綺鶴澗隔天河人在秋聲裏

**劉肇基**

絕頂高臆俯衆山看雲飛去又飛還  
我來倚醉雙松下還是雲閒是客閒  
**程瑞**

令節偏隨俗多從鬧處行  
翻因秋月好不遣夜山清  
**朱璿**同典試劉梅庵先  
生遊虎丘雲影烟

光滿石巒可中亭畔樹根蟠登高今喜同劉向  
廡猶慚比伯鸞古殿燈明燃豹髓曲房香爇試龍

團先生雅意如醇酒  
那識歸途有暮寒  
**張大純**鐘聲沉夕澗塔影下  
斜陽石肯寒花淡天

容野客狂遠山數點碧森木一  
樓黃淪茗消塵慮遲回意未忘  
**丘同升**虎丘同徐  
松之后醉

漁雨先生步月一片雲巖石經秋月倍明露濃垂  
葉重光冷射溪清寄跡依禪喜題詩愧老成水輪

教莫墜照

我半山行

文昌閣在海湧峰頂左傍浮圖前對方丈魁星像在

其右康熙辛酉鄒孝廉溶

字宮書

重修

鄒溶

題重建文昌閣星躔奎壁照江東絕巘重開古殿雄石戶霓裳時隱現絳帷香氣半溟濛

聲飛別院鐘初響影動疎林月正中獨據雲巖最高頂應教呼吸與天通

小方丈在海湧禪林右隅

初時爲山門後築斷故其塔由上而下

俯瞰

千人石可盡一山之勝

徐崧

八月望夜黃處安陳其年儲雪持沈禹甸諸君過訪小方丈別後口占一絕寄之月斜烟

冷樹亭亭俯看燈懸似列星料得故人山下去此時仍向管絃聽

釋行深

中秋夜同松之

居士宿小方丈月明風靜石嶙峋此地閉看夜最親平几爲床窓作枕不須翹首見遊人

悟石軒以生公說法得名東爲石悟樓小華胥

實釋道一

張中發

寒食同皇士松之諸子集虎丘山樓久託孤踪俯釣臺重逢茂苑一尊開橫塘桃李

憐春盡拂面風烟併夜催小閣猶寒官樹柳竹林幾度仲舒杯雲旂社鼓喧闌外更有騷人賦七哀

徐崧

陳皇士陳鶴客諸子置酒石梧樓招同李研齋宋蓼天張士至家蘭生王雙白黃奉倩鄭

士敬陸履嘗姚文初陸彥修金孝章陸翼王歸玄恭侯記原侯研德陸予敬葉聖野俞無殊舅氏吳方翰九皖家禎起綏社爲遠社之集因賦酒載雲巖下林花共駐驂風光隨日夜人物震東南石悟看如故亭空醉亦堪新詩如賦就春色上雲藍喬簡襄移酌小華胥同黃心甫坐月分賦故人重見面眺望喜新秋碧澗雲根出蒼苔石髮留燈光應背月樹影正當樓却厭清風裏蟬聲未肯休

月駕軒在石觀音殿右爲遊人眺賞之地

徐崧

同姚仙期周子潔訪吳上柔郡侯於幻隱堂留酌山空水石涼繫艇正斜陽瓜果邀良友

干戈隔故鄉我聞陶令達人說次公狂何處來神女巫雲入夢鄉辨輔又吳公能跌蕩崖石喜躋攀

鶴步隨人到鶯啼與客閒酒中忘六月窓下對名  
山海月林端起何妨午夜還丁巳八月十三日沈  
部九邀同耿郡侯聽十番乘興都忘着屐難紅燈  
綠樹生憑欄兩行簫鼓催何急雨雪聲中燭影寒

**陳公祠祀明兵部尙書前巡按直隸監察御史陳公**

**瑞**

嘉靖十四年公按吳久雨歲大饑公疏請折漕  
賑貸吳人感其德詣闕留一年建祠千人石左

**徐崧**

辛酉三月十七日送春喜遇青神余生生將  
樂余不遠寧都曾青藜武林徐孝先新安王

不庵於陳公祠山前偏遇異鄉人白髮蒙頭曩角  
巾縱使鶯花常爛熳可憐不是少年春又擾擾遊  
人聚石場春光暫駐只斜陽楊花

已苦留無力况復東風晚更狂

**梅花樓以文氏畫梅於壁得名樓下有戒珠堂僧圓**

**曉建**

順治間余與陳太僕皇士薛子偉楚兩寓於  
此丙申秋雲間沈某來吳門欲定花案要富

人下堡金某同之致兩郡名姝五十二人選爲花  
場二十八宿畫舫華堂傾城遊宴無虛日時虞山

錢宗伯井研李研齋宣城梅杓司亦在金寓近院  
署簫鼓之聲旣屢夜相聞又嚴五於亂時曾取金  
餉亂定金告官寘之獄其妻竭履救之劍於直指  
前故李直指聞之斃金因及沈金與沈相繼死  
**徐崧**花場卽事自是雲巖色界天綺羅簫鼓日紛  
然騷人競欲題紅藥詩詞牋初未治女私曾  
寄白蓮似欲酒澆歌舞地何如粉飾太平年無端  
一夜西風起葉落枝頭甚可憐曹顧庵學士爲余  
出名選草堂詩餘近集拈所刻封面於門重過有  
感曾向山樓一笑看仙人留下紫霞冠梅花落盡  
春風裏玉笛  
淒涼月影寒

# 竹亭西北有竹初時最盛產茶爲山中第一今廢

**顧簡**

寓竹亭不覺櫻桃盡徐看蘭蕙抽僧頰殊苦  
記山近每忘遊漸暖或妨出微陰宜蕩舟橋

東紅藥好何  
必主人幽

**徐崧**

喬簡裏寓竹亭招同孝章諸君  
小集雨後獨焚香松風日日涼

聞君携酒酒遲我到斜陽鷗鳥寧無侶  
鱸魚自有鄉何當書遠達江水見情長

雪浪軒范允臨書額在客堂後其牕下臨劍池坐對

悟石諸軒

徐崧

丁巳秋宿雪浪軒似佛智和上海湧峰迴處高窓塔上方秋風孤竹簾夜月半菲堂絕壑

雲根白懸崖樹影長不須凭坐久先得清涼雪浪軒寄孫樹百給諫浪跡猶無定筑筑悟石前人欺頭似雪我愧力如綿易借山僧榻難親國士筵凭闌思往事聞笛更淒然又咫尺行窩近如何若夢思開扉延上客裹足詠新詩酒漬千人石歌殘短薄祠亦知圖再晤野服恐非空孫止瀾大史宋釋恭過訪雪浪軒誰作雲岩伴相依只一藤高車來柳巷獨客問松陵壁斷烟蘿繞橋空澗水澄偶然南野步芳訊藉閒僧又臺畔石峻嶒回關曉獨凭名山多氣色古殿少炎蒸葉落風如雨雲昏月似燈與誰消寂

席居中

雪浪軒中秋聞雷海湧峰頭幾度遊白雲明月一般

秋凭欄却怪喧闐極

霹靂驚飛石悟樓

五賢祠卽平遠堂在大殿之左面北祀唐劉禹錫白

居易韋應物宋王禹偁蘇軾諸先賢左爲等慈閣

崇禎時有欲以故宦雜入爲諸賢祠者陳元素乃  
題一聯云朝烟夕靄諸嵐收萬象之奇公等文章  
具在雅調玄襟異代結千秋之  
契誰堪俎豆其間是議始息

徐崧

五賢祠虎丘秋冷自凄然山後祠荒草色連  
登眺幾人傳洞壑碧空終古幻雲烟千村點

點人家樹一片青青水畔田唐宋風流殘碣在蕭  
條誰與拜前賢夜同沈偶僧坐平遠閣目極皆無

礙更初自悄然如何人不上只覺地差偏樹逗  
村中火溪浮隴際烟最佳今夜月莫遂憶安眠  
沈

雄

同雁菴夜登平遠閣梵閣臨平遠蒼茫夜氣生  
遊人歸處靜月到坐來明應几何妨睡憑欄已

斷行前山燈火釋濟時和徐崧之先生夜登平遠  
滿那及此幽清關之作誰肯過山後蕭然

此共遊笙歌喧片石烟靄靜層樓獨得浮圖  
月平分半嶺秋知君詩思別極目曠神州



隆祖塔院師名紹隆依圓悟勤二十年徹盡法與住  
虎丘道大著宋紹興六年五月八日遷化年六十  
臘四十五度弟子復如等六十人建塔於山之陽  
司農少卿徐林銘其塔爲今天下臨濟宗之祖

徐崧

乙卯中秋夜同偶僧過隆祖塔院偕聖宣坐  
月祖塔安然在宗傳未有涯秋光流翠岫月

彩暈丹霞我至惟三拜君居本  
一家更溪還暖茗不似石塲譚沈雄

同徐龐庵宿  
隆祖塔院海

湧峰頭夜同君過上方紙聽唯漏月石殿共披香  
只羨秋林靜無嫌草徑荒更闌餘興在相對話繩

淋釋濟時

徐松之沈偶僧兩先生過隆祖塔院結  
侶來秋寺更深露氣涼桂香飄曲徑松

影接迴廊對月情無倦看山境  
亦忘龐公今再見況復是同鄉爰丹生

龐庵度中  
秋於隆祖

塔院賦贈兼寄聖宣禪師聞師主塔院近在虎丘  
山明月來方去白雲往復還笙歌石上起香靄定

中閒昨夜徐居士同之一叩關

尺身外寸寸

虎丘方丈明末住持則有道開局法師順治初則有天鼓震禪師至繼起儲禪師門庭廣大岫雲瑋禪師位序清真佛智孝禪師經營勞苦矣庚申二月以修塔願往都門罹疾糧艘奉師還吳七月十七日逝於天津桃花口示疾時以所付信命授門人聖宣繼席

康熙辛酉春聖宣時禪師繼席

徐崧

虎丘方丈贈岫雲禪師養道西華二十春場來海湧法堂新已看寶劍初離匣誰識蓮華

不染塵隆祖院中僧似虎生公臺畔石如人相逢唱出還鄉曲明月梅花照水濱方丈岫雲禪師訊及戴耘野詩以寄之五年不見近何如剝得閒身好著書崔浩傷時雁鼎鑊管寧適志逐樵漁頻從老衲錯鍾後已授村童句讀初安得優游家累了與君同向秀峰居

仰蘇樓在天王殿東相傳爲東坡樓舊址明嘉靖間

郡守胡纘宗建

徐崧

丁巳夏杪同余生劉雪舫姜勉中學在飲  
喬宇五寓樓久別論交地俄逢說法臺看山

同勝友題壁見高才雞黍屠方斷茶  
瓜客共陪囑君無過費此後倘頻來

喬寅

山樓晤  
松之先

生賦此雷別憶昔與君遇乃在茗溪陽別來十四

載顛毛各已蒼相逢不相識念舊增慨慷貽我一

篇詩觸目俱琳琅胸羅九州勝囊無千金裝山樓

坐秋曙庭樹聞請商我方倦行邁耿耿思故鄉風

帆旦暮發江

路東南長

東塔院在關帝廟東

關人黃處安會寓於此時名媛  
柳伴月來爲西鄰欲以所繡詩

書行大書特書於寺門以招

徠賁客柳枝詞所由起也

徐崧

九月十日同袁重其宿黃處安東塔院寓樓  
處安出柳伴月箋上詩書見示索和一箋傳

看已足珍仙才何處論斯人平原此日尤難遇大  
士當年定有因燦燿是水是山雲外想非花非霧  
月中身黃公首倡芳詞

**黃晉良**

酬雁菴八月望夜  
小方丈見寄滿身

贈柳色仍嬌雨後春

明月露邊亭夜夜燈光亂客星何

**章美**

同張天如  
受先劉公

處可容行蹙躩樓頭歌吹不堪聽

且華方雷張玉賢李仲木葉聖野集東塔院和周

仲馭詩休論叱石便成羊醉且無歸月半塘不見

烏飛皆是黑偶然鴉起亦爭黃烟雲豈謂陳無榻

姓氏猶憎鄭有鄉倚劍高歌山更寂一尊遙與古

清和書院在二山門外左偏康熙六年爲郡侯吳道

**煌建**

**徐崧**

過清和書院贈吳蘭次郡侯風前帳捲颺輕  
羅雨後聽開對綠波最是重陽前二日晚晴

天氣似清和又豐南本是列仙班七里三橋  
日往還紙落雲烟吳地少時人莫比虎丘山

桐雨樓

釋廣育

中秋後一夕宿虎丘桐雨樓對月樓上月已高樓下月初出上樓復下樓月情信非

一又高月上樓來笙歌石邊去同此一山中喧寂不同致

五人之墓爲顏佩韋馬傑楊念如沈揚周文元天啓六年四月魏璫忠賢矯詔逮周公順昌緹騎暴橫吳民佩韋等憤憾不平萬衆擁入乘開讀詔書奮臂狂呼斃一緹卒餘卒升屋走或匿斗拱間而緹騎逮黃公尊素者道胥江榜笞驛官衆怒復焚其舟當事捕佩韋等五人斬之吳人爲旅葬虎丘山塘大書墓碑曰五人之墓太倉張庶嘗溥謨文

**李繼白**

五人墓昔聞五人名今過五人墓五人墓  
上草青青松檜凌寒鴉滿樹我來凝望一

停舟斷碣爭光石火流當時逆璫惡煽主忠良一  
一遭屠劉羅鉗吉網群相濟馳馬飛來盡矯制臣  
節甘心詔獄行居人掩袂皆流涕正氣激烈勢難  
櫻電迅雷轟天地崩億兆同心奮一擊緹騎手格  
如鷲鷹五人登先爲一死黃昏燐火青山裏  
君不見田橫門客未知名留取五人光汗史  
**李之**  
**春**山塘弔五人墓兼懷周忠介公亂賊兒孫擁安  
危呼吸爭五人能就死衆正始俱生矯逆原非  
詔拳兇不爲名忠魂  
**黃承聖**山塘西去白公堤芳  
今尚在時映夕霞明  
踏青歸去晚傷  
人新月映清溪

**劉賡庵先生墓**

**陸泓**

河北劉賡庵先生客葬半塘太息我生本有  
涯縱令歸去亦無家此間有甚死不得猶恨

多看十度花又曾云歸去總天涯三尺江南  
萬古家若個年年弔寒食半顰荒酒滴桃花

泛月樓在雲綿草堂之後登眺最宜玩月東望石湖舟帆隱躍於簾檻之間句曲張菊人進士因榜曰

泛月

汪琬

張子成九侍其尊甫屢翁先生與其伯兄文一中翰共營先壙於吳山之麓前臨石湖後

鷗靈巖其他如楞伽茶磨寶華諸境無不映帶左右此吾吳最勝處也丙舍中構樓曰泛月極爲幽麗溪山滿目尤擅登眺之美諸君子各有賦咏成九屬予續貂其後予聞法不孤起仗境乃生維詩亦然今者憑虛想像落筆萬不能佳明春小健當約成九以一葉舟往游成九其爲予烹茗燒筍市村醪煮溪鱸以待俾予得信宿嘯歌於樓上庶或稍出傑句以慰成九之意乎吳蟹初肥楚橘酸深山風味接湖干綠蕪黃柳丹楓岸最好憑闌入畫看又湖光渺渺浸長空折葦枯荷宿旅鴻月影蕩搖如玉塔此開景物冠吳中又山綠顏垣水繞門朦朦初月照黃昏松風不起行人絕惟有鐘聲度

范村又長湖倒蘸塔峻嶒鵝鵝鵝鵝鵝鵝鵝落復升昨夜

雨過新漲闕家家整備打魚罾又樵歌隱隱下青

蒼又聽漁榔繞夕陽一段美蕖明似錦花間飛出

兩鴛鴦又煙靄蒼茫遠似無松風蘿月影扶疎如

何倩得開荆墨寫尤侗遠望吳山倚石湖高樓良

箇秋風聳秀圖又豈好樓居願學仙紅簫隴

處寶帶橋頭唱棹歌又下白牛眠外人到此應迷路百尺楞伽起暮烟

繆彤先塋在嶺西此地歲時過左右環諸峰前村

舍層樓倚岫峨繞廊羅竹石結亭韓奕蕙鬱山光

覆煙蘿幽賞未云已荀輿將遠迤裏庭除俎

豆馨玲瓏開戶牖光霽見儀型每覺天風孟亮揆

爽偏教塵夢醒宵分閭洛誦更喜有傳經孟亮揆

長空皎皎秋月明碧波浩浩秋水清涵虛弄影渺

無際恍疑銀漢從天傾臨流何人建高閣簷疊畫

拱飛雕甍攝衣欲登屢回首但覺一身飄飄如羽

輕月光水色不可辨全景歷歷當窗橫有時輕煙

夜初散倚闌望去如掌平流九躡躡漾波底八方

上下齊星瑩有時因風鼓巨浪潛龍怒舞靈鼉驚



琉璃萬頃競排闥脚下似聽隱隱轟雷鳴先生高  
懷擴如許更無塵襟俗慮紛相櫻仰天一嘯星可  
摘直駕瑤島凌蓬瀛風清露白夜亭午應有仙  
人吹玉笙相將劇飲詩已成爲君高歌汎月行

**芳**

吳地多山水結念在夙昔偶作石湖游曲折窮  
阡陌岡迥皆墓田煙甲開薺麥延緣到丙舍披

襟更岸幘相對話貽謀肅然想先澤齋廚雖落成  
曠覽尚嫌窄行將營樓居憑眺湖天碧爲我再三

歎撫掌興轉劇歲月不少留良晤  
豈終隔會應踐後緣聯榻共晨夕

**宋實穎**

寄題吳山泛月

樓山壑松風被管絃書堂翰墨是神仙  
石榴花發紅如火少長追陪月影圓

**孫岳頌**

舊挹

元龍槃今瞻百尺樓心  
耽山水趣觴咏盡名流

**褚篆**

溪山深處接橫塘中  
有瀧阡擅一方文穆

石湖分賜地誠齋春雨記祠堂平添桂閣書帷卷  
靜倚松寮佛火藏引客只憑蟲鳥語任教踏葉過

斜  
**陳匡國**

山藹凝空翠憑虛月一樓波光雲檻動  
煙景石湖秋勝槩成新構良期集素儔

我來同二阮  
登眺嘯歌酬  
**張秩**  
湖山擅佳氣憑眺上層樓水漲  
遙天接林疎落照收鐘聲出古

寺帆影辨歸舟明發顧沂月駕宵升暎碧流賞心  
懷深感非關愛勝游應上最高樓無邊灌莽

千村繞不盡煙嵐一望收天籟幽揚成梵唄湖光  
浩淼隔林樾墓田環舍西成候指日嘗新薦絲藕

汪樹聲世俗愛田園甲乙羅第宅達人念丘隴 遐  
契在泉石首葺永言齋廬寢漸次斥闢地

復爲樓汎月顏其額俯仰遂高懷深夜生虛白明  
發不能寐思以綿先澤前榮旣宏敞山水接枕席

門設未用關往往來佳客突兀高樓峙碧空  
余將從之遊呼童蠟兩屐文揆關邊靜倚思何窮

清風直挾秋聲至正練長浮宿霧中泉漾玉沙迴  
曲澗泥融芝草蔭長松歲時瞻眺乘湖舫汎月應

將愛日同張一清筆山廊下晝陰陰翠竹蕭疎映玉岑  
林際浮圖供遠眺壁間詩句動清吟

短垣石絡烟蘿碧曲檻簾低雲樹深張顧旆石湖  
饒有北窗陶令意休教煩暑漫相侵無風

水不波湖上之山碧雙蛾空靈蕩漾爭獻巧清宵  
得月新涼多山樓瞰湖攬其勝會心欲說難搗摩

方壺員嶠互隱現龍堂貝闕相騰那虹氣紫翹出  
滄海珠光的歷懸藤蘿呼吸儘堪通帝座俯仰血

恐傾天河此景可想不可卽塵世偏側誠么麼可知漢家博望非鑿空碧落有路逢星娥乘槎汎月總奇絕後人

**洪圖光**

文一中翰招遊吳山丙舍望重西清著作郎春山攜袖帶

不信視此歌

**曾燦**

湖光山色景兼收勝地偏宜結小樓漁唱遠汀

羨斗酒高歌雲樹蒼  
燈隱約客吟高檻葉颼颼  
一輪碧鏡江天曉六曲  
紅闌欄戶秋張祐樓居饒  
石筍佇看新構續佳遊

**彭寧求**

劇雲開傑構東望興偏濃雨過松杉淨煙舍榆柳重湖流通學海塔影時文峰世德

知綿遠蘭

**吳之振**

次鹿牀韻繁華盛吳會徵逐念疇昔啞柔櫓聲經過越阡陌

孫早亢宗  
彈指勝事空春風吹燕麥冠蓋沒短蒿輿皂岸高  
憤張公老眼明種德如滄澤啞彼障麓兒一錢曾

次窄築樓丙舍傍夕陽秋水碧周遭軒榭縈締構  
意轉劇欹嶽黃葉老披襟幸未隔何時一樽酒笑

言永

**曹基**

晴樓倚空碧翳然面平野屋後山作屏簷前雲覆瓦遠遠見村落桃柳互高下

朝夕

**金侃**

嶺是褒忠舊村因文穆傳嵐光疑北戶波影照東偏俯仰懷先

澤風流繼昔賢湖山  
最佳處況乃月初圓  
**俞瑒**湖山攬勝聳高秋松檜  
成行月滿樓檻外諸峰  
疑疊翠簾前萬頃漾平流  
春秋霜露關心切朝暮  
煙霞放眼收多少鬱蔥佳氣在不妨遙擬鳳麟洲

### 志喜亭在汎月樓西北

**陸世恒**

麗數先生築亭于汎月樓旁適于匝月間  
舉令孫一曾孫二充闕之喜有足志者因

以名其亭云范家村畔越城西亭子新成古樹齊  
匝月屢逢湯餅會高岡欣占鳳凰栖充闕佳氣承  
先澤倚檻微吟續舊題屈指吳  
**高芳**北岫牆陰接  
山茲選勝每期名輩共招攜  
渾如列翠屏

嶺橫全鬱鬱松小最青  
樵徑人遙辨  
晴空雲暫停偶依亭畔立  
凝望意殊醒  
**袁宗衡**雲  
根

小築傍牛眠環列諸峰曲  
檻前人在翠微高處坐  
鶴依碧落靜中還早梅晴日  
明虛牖叢桂香風播  
遠天竹看鵬搏還接  
**俞瑒**清和才俊盡麒麟況復  
翅充闕志喜豈徒然  
亭成喜氣新昔廁長筵

湯餅會今遊高榭艷陽春  
簷頭疊翠山爲枕坡面  
飛紅花作茵娛老風光無限  
好滿庭蘭蕙繞靈椿

太湖東西二百里南北一百二十里周五百里廣三

萬六千頃

中有山七十二

襟帶蘇湖常三州東南諸水皆

歸焉其最大有二一自寧國建康等處入溧陽迤

邐至長塘湖并潤州金壇延陵丹陽諸水會於宜

興以入

今寧國建康之水不由此矣

一自宣歙天目諸山下杭

之臨安餘杭湖之安吉武康長興以入而皆由吳

淞江分流以入海

過吳江分爲二一自吳淞江二一自急水港

五十里下澱山湖由港浦入海

一名震澤

書所謂震澤底定是也

一名具區

周禮職方揚州之藪曰具區山海經浮玉之山北望具區是也

一名笠澤

左傳越伐吳吳

子禦之笠澤是也

一名五湖

范蠡乘舟出五湖口太史公登姑蘇望五湖是也五湖者

張勃吳錄云周行五百里故名虞仲翔云太湖東通長洲松江南通烏程霅溪西通義興荆溪北通晉陵馮湖東連嘉興非溪水凡五道故謂之五湖陸魯望云太湖上稟咸池五車之氣故一水五名

然今湖中亦自有五名曰菱湖游湖莫湖貢湖胥湖莫釐之東周三十餘里吳王於此種菱故名菱

湖

西口濶二里口之南則莫釐山北則徐侯山西與莫湖連東南九里南北五里三面沙岸連接

上有人居今吳縣無三十一都父老相傳淪於水中豈此地耶舊傳湖中有青白龜子板往往見則風浪莫釐之西北周五六十里曰莫湖與胥湖相連當在莫

釐山西北倚莫釐因名

長山之西北連無錫老岸周一百九

十里曰貢湖

西口濶四五里東南長山山南卽山陽村夏禹治水曾駐此故名胥

山之西南周五六十里曰胥湖

與莫湖連胥山繞胥湖東岸西臨胥

湖有古子胥胥王廟或云吳王殺子胥盛以鴟夷投諸江吳人爲立祠於江上號曰胥山又云子胥於此得鱸設諸以見吳王後隱胥山故名然嘉興東南亦有胥山

**長山之東周五**

**六十里曰游湖**

西口濶二里東南岸樹里西北岸

志云禹治水至游湖風濤甚有二花虺龍負舟面過左右恐思禹安然按周禮職方揚州其藪具區其浸五湖則五湖當別有所在然國語史記皆指此豈古人所謂五湖亦自有二耶吳地記云五湖卽太湖東岸五灣蓋古

**五湖之外又有三小湖扶**

**椒山東曰梅梁湖**

吳時進梅梁至此舟沉失梁後每至春首則水面生花今洞庭

有梅

**杜圻之西魚查之東曰金鼎湖**昔吳王泛舟

此命漁人簇三舟連網漉之不得因名又

**林屋之**

云震澤有金鼎湖天將雨則黑浮水面

**東曰東臯里湖**吳越王歲於此投

金簡以祭洞觀

**施槃**

題太湖木喬山秀草惟天西距姑蘇百里遙水泛具區畱禹績地連南越見胥潮霜林橘

熟黃金顆石洞人吹碧玉簫墨巖層崖堪歷覽白雲飛處是夫椒

**周大章**

東南大水歌洞

庭平瀉石浮波古岸沙崩破屋多試問老農庚午事今年尤道漫成河耕鑿競傳籠起激洪流倒

捲河山雨未休獨樹荒村人影散漁舸隨浪浴滄洲

**朱彛尊**

十三日夜泛月太湖爲愛清秋

月中流獨扣舷艱難群盜路寂寞五湖船白髮從今夜青山憶往年酒闌愁不寐相顧意茫然

**大燈**

送延年渡湖歸兼寄雁翁看罷梅花渡五湖香風吹送入姑蘇君家大阮如相憶好至空

**山聽徐崧**

閩八月十五日曉發太湖觀日出具區臨曉發旭日吐湖東萬頃霞鋪紫千層

塔倒紅蔞村橫影裏漁艇泛光中因憶山亭坐將無串月同

**張大純**

太湖三州

河吳郡東分萬頃多盡瘁伍胥濤尚怒知幾范蠡棹曾過雨迷漁父憑青笠風動陽侯捲白波獨喜

晴和來往便布  
慨安穩倚人歌



西洞庭周八十餘里漢王瑋玄韓崇劉根梁楊超遠

樊道昌唐周隱遙唐若山皆於此學道其峯縹緲

最高有鷹頭不然有草無木多土少石縹緲之南其左偏坡陀爲

竹塢嶺東爲上方山塢有鹿飲泉又東羅漢山毛公壇

在其陰有毛公泉羅漢南雞籠山一博山竹塢南爲飛

仙山稍西爲秦家山自秦家嶺折而南踰拋壺嶺

爲下方山稍東爲洞山林屋洞在焉直金庭玉柱

爲天帝壇山其南爲大蕭小蕭二山却洞山西走

長而狹者爲梭山明月灣在焉一峯斗入湖爲石

公山可盤灣在焉其右諸峯高者爲白茆山次爲

縑車山爲黃家山稍西陸塢山踰支頭峯爲野塢  
山木辟山又踰彈子嶺爲植頭山自湯坎嶺稍折  
而南爲馮家山又南爲圻村山中有石屋稍東爲  
龍頭山梭山龍頭之間是爲消夏灣縑紗之東山  
勢分爲二其一邇迤而北爲馬石爲鴻鶴山與鼉  
山相直爲鳳凰山又邇迤而北爲七賢山爲陸村  
山稍東爲天王山爲桃花塢山踰望庵嶺爲澱紫  
山是爲庵邊踰攢雲嶺爲父子山又踰公子嶺爲  
綠石山爲金鐸山金鐸之北爲苦竹山渡渚山舊傳  
吳王伐越常縑紗之西其高者爲華山踰夏家嶺  
於此渡軍也

爲角頭山又踰王家嶺爲雷頭山爲龜背山龍舌  
山角渚在焉與王家相直爲大步山小步山大步  
之旁爲張公嶺小步之旁爲壽山縹緲之北其高  
者曰涵峯涵峯之東爲東湖山西爲西小湖山又  
西爲水月塢有無碍泉水月寺在焉東湖之東爲十里  
山踰新安新安保之西有龍舌石墩頭二嶺爲金峯又踰沙  
子嶺爲堂里山爲噓里山爲蛇頭山查山與砂子  
嶺相直爲湖漫嶺

王鵬

過西洞庭玄洲不復見縹緲卽芙蓉玉洞連三島金庭第一峯芝香雲氣暖竹色露華濃

我亦尋真者

徐崧

送丙文姪同醉漚軒主人董惟儒遊西洞庭湖山西更好美爾

得同遊白社人俱在青囊地可求橘香荒寺晚雁  
影片帆秋爲報參玄侶神仙一醉漚將辭西洞庭  
雷別山中沈文長蔡文若同岑禪師日日尋名勝  
湖山夢儼然靈奇多洞壑恍忽遇神仙雞犬烟霞  
地人家橋袖天幽樓雖有意未識在何年又精舍  
隨遊憇登臨每日斜鳥常啣樹果犬不吠僧家好  
友誠難得浮生自有涯明張大純西洞庭隱居吳  
春重過此相與探梅花地勝山介震湖  
中縹緲天非遠神仙路可通看花連鳥道  
避暑傍龍宮欲識靈墟幻毛公與石公

### 洞山有林屋洞

面西王文恪公題第九洞天趙凡夫  
山人題左神虛幽之天於石入洞如

石屋近口乾或可坐稍進便如泥淖以洞外地高  
於內水積然也如更前便須俯身帖地而入昔先  
外祖吳敏庵公嘗言徐武功有貞曾遊林屋借有  
胆勇者數十人備餼糧繼膏燭奮身而入併攜石  
工自隨過有不可入處使鑿隔凡二字但頂間風  
浪之聲似穿湖底蝙蝠撲面石乳沾身其中奇窟  
茫不能悉名雨丙洞循麓而南山根一穴甚小然  
洞俗稱龍洞好事者指爲林屋三門但其

上其旁石壁陡削  
王文恪題曰偉觀

**暘谷洞**

面東下瞰如深街

**磨崖刻無礙**

**居士道隱園記**

居士宋尚書李彌大也退老於此

**其石尤勝者爲**

**曲巖**

范文穆記其來遊月日想見爲昔賢賞心處

**玩花臺**

馬舍人築分列可坐

**象巖**

二石絕似大象萬曆間張元舉題

**無閔庵**

趙凡夫書萬曆間里人吳氏建按靈

寶謠有云吳王闔閭出遊包山見一人自言姓山名隱居闔閭扣之乃入洞庭取素書一卷呈闔閭其文不可識令人齋之問之孔子孔子曰丘聞童謠云吳王出遊觀震湖龍威丈人山隱居北上包山入靈墟乃入洞庭竊禹書天地大文不可舒此文長傳百六初若強取出喪國廬

**皮日休**

入林屋洞齋心已三日筋骨如烟輕腰下佩金獸手中持火鈴幽塘四百里中有日

月精連亘三十六各各爲玉京自非心至誠必被神物烹顧余慕大道不能惜微生遂招放曠侶同作幽憂行其門纔函丈初若盤薄礪洞氣黑眊耽苔髮紅鬢試足值坑窞低頭避崢嶸攀緣不知

倦惟異焉敢驚匍匐一百步稍稍策可橫忽然白  
蝙蝠來撲松炬明人語散瀕洞石響高玲玳脚底  
龍蛇氣頭上波浪聲有時若服匿偏仄如見綳俄  
爾造平澹豁然逢光晶金堂似鑄出玉座如琢成  
前有方丈沼凝碧融人情雲漿湛不動琉璃酒而  
馨漱之恐減筭酌之必延齡愁爲三官責不敢攜  
一甃昔云夏后氏於此藏真經刻之以紫琳祕之  
以丹瓊期之以萬祀守之以百靈焉得彼丈人竊  
之不加刑石匱一以出在押俄不扁禹書旣云得  
吳園由是傾薛縫纔半尺中有怪物腥欲去旣嘍  
啗將迴又伶俜却遵舊時道半日出杳冥屢泥惹  
石髓衣濕沾雲英玄錄乏仙骨青文無絳名雖然  
入陰宮不得朝上清對彼神仙窟自  
**朱用純**洞山  
厭濁俗形却憎造物者遣我騎文星  
林屋中其事多不經古今足跡到玉柱與金庭我  
亦無所取披雲上翠屏不知自何代忽然來六丁  
頑礦亂斧斫片片堆空青舞伏非一勢龍象各殊  
形玲瓏復突兀巧匠袖手停或言懷襄時激擊成  
晶瑩或言女媧遺奇質故亭亭二者皆荒誕天風  
忽寥冷山本號龍洞龍去已沉冥直疑鱗甲蛻錯

落幾千齡至今滿  
緣苔風雨聞龍腥  
**秦松齡**和存古叔林屋洞韻笑

成手八父相與同遊林屋洞有時誤入野人家泥

函金簡傳神禹石變龍文託女媧七十二峯憑指

顧籃輿不覺夕陽斜**釋智暹**扶杖登林屋相攜與不孤雲生

蚪危崖展畫圖山光

留落照欲去尙踟躕

**石公山**

在明月灣之西與三山對

**山有石公庵**

石壁甚高峭

**歸雲洞**

西面

嚴太守剗

**寂光洞**

面南在庵之東北

**雲梯**

面東南嚴天

**聯**

**雲嶂**

面東石壁如帷嶂王少傅題

**一線天**

又名風弄面東石南北坵自麓達頂

**石**

**公石婆**

山下大石坡甚廣傍水有大石二俗稱石公石婆

**落照臺**

在庵之上每年

九月十三日日落時  
晴明看日月對照

**石梁蟠龍**

在山下水涸則見

**吳偉業**

石公山真宰廟雲根奇物思所置養之以天池盆查挿靈異初爲仙家困百仞千倉

閉釜鬲炊雲中杵日鳴天際忽而遇嚴城猿狖不能  
能遠窺樓櫓堅逼視戈矛利一關當其中飛鳥爲之  
避仰睇微有光投足疑無地循級登層巔天風豁蒼  
翠疲喘千犀牛落落誰能制僮僕一老人獨立俯其  
背旣若拱而揖又疑隱

**秦嘉銓**

清和八日松之

先生過訪石公山房用扇頭淮浦杜湘草贈詩原韻  
懷人時在望紫氣自江城訪友初逢雨登山不待  
晴詩篇千載重杖履一漚輕知己詩貽贈臨岐共此  
情又桃華水未漲芳塘覓得苾鞋代野航招隱漫懷  
綺里季采山誰識杜蘭香廣陵濤滿聽鸞珮淮浦  
風清泛羽觴時先生歸詠淮何似石公巖壑好曲房窈窕  
更迴廊

**徐崧**

己巳閏四月初八日曳屐遊石公庵遇雨不得窮石梁蟠龍洞

之勝悵然而作我欲窮幽勝其如雨載途層層林下  
石渺渺開邊湖落照臺空在歸雲洞不孤然犀疑有  
忌雷此聽樵夫

**消暑灣**

又名消暑灣

深入八九里三面峯環一門水匯僅



三里耳中多菱芡兼葭烟雲魚鳥別具幽致相傳

爲吳王避暑處

史弱翁

消夏灣洞庭真人居翠岫多清風吳王使霸氣避暑此離宮崖斷綠水入乘流玩無

窮朝暮一軒楹開折干光容追涼競歌舞日賦山雲中別來幾年歲衰歎聞絲桐君擁如花入誰道女興戎梧宮忽已秋玉簫傷飛空

張大純

前題僻境真天造非徒白浪浮一灣湖作沼六

月暑如秋紅粉憑蓮榭笙歌蕩桂舟至今雖寂寞猶想昔風流

包山禪寺梁大同二年建天監中再葺初名福願寺

唐上元九年改今名高宗賜名顯慶寺宋靖康中

慈受深禪師居此賜額包山禪院

王銓有記

明永樂間

有欽菴禪師結茅重建又改包山寺今康熙七年

山曉哲禪師憇錫丙寅法嗣柯菴慈禪師繼之同

無躍鎔公建大悲閣

唐皮陸俱有詩

史弱翁

客中懷包山半世文章命如今真白頭西風吹舊園芳樹感新秋蕭索成何事棲遲

獨自遊包山好橘柚歸去卜淹留太湖秋望寄包

山隱君洞庭霜落水橫秋處士家居山上頭茅屋

在烟寒橘柚白雲添樹濕松楸釣竿未老尋丹竈

鴻雁先歸宴玉丘貪羨一枝棲鴉鷗何如避世出

離釋通明北風朔朔杖枯藤去作包山寺裏僧徐

憂不是無心住人世愛他中散夜炊燈

崧同秦介眉觀臥龍松白石粼粼水正枯終年橫枕澗橋孤不知炎夏風雷雨夜可得爲霖一醒無

釋元慈已已夏臞蒼先生過訪奉贈高士尋幽到草堂臞然相對影蒼蒼片言未敘悲先哲

一志將收訪夕陽拭盡繁華天地曠攜來名迹古今揚佇看林壑重標勝莫是靈威意不忘

福源寺在攢雲嶺南梁大同二年吳縣令黃禎舍山

園建僧普國開山隋廢唐貞觀中再建宋紹興間

煖嘉定間重建慶元初僧志寧修葺并置寺田黃公

振有明永樂間再修萬曆間殿圯四十六年僧性

天重建文震孟有記殿前有羅漢松最古後有一關推窓望之三百峯迴足以延佇

吳偉業福源寺千尺攢雲嶺金銀佛寺開鹿仙吹笛過龍女換珠來泉繞譚經苑松依說法

臺蕭梁畱古樹徐崧同介石禪師雨宿福源寺示風雨不凡材

濛濛暮雨天輝煌誰建立信宿自因緣古樹千年

老翁輾碾高僧一榻眠曉來聞梵唄處處引流

泉已已閏四月過之時天旱寺前寺後俱有一池

依然凝碧山僧謂只可灌濯又寺後有小石潭潔

而可飲時時汲盡口占一絕寺前寺後水如藍尤

遜澄鮮小石潭不道我來逢汲盡只將一掬試餘

甘張大純和福源名寺爲泉甘况復涓涓此一潭

縱使擔泉都汲盡兩池猶剩色如藍

上方教寺唐會昌六年僧道徹建名孤園寺宋嘉泰

間僧無證新之始改今額明正德間寺僧因連糧

漸散殿門並圯嘉靖二十九年知縣宋儀望勸捐

荒糧寺僧復來三十八年僧惠雨募建惠感宋公清糧之恩

特遠懇撰碑記并贈惠四絕時宋公已爲大理丞矣

徐階次中丞陽山宋公贈惠上人詩使節當年駐上方到今草樹有輝光重興一語渾成識好

刻穹碑鎮此堂又百里山原一鶴隨堂陰曾勒檢田碑如今更喜輜車出採得春陵漫叟詞鄧

旭戊午秋宿上方寺時衲孫白行導余遊十八寺之勝踏盡方州勝具區誰比肩無山不抱水有

樹悉參天寺寺蒼巒合村村碧嶂連縱觀縹緲外三島漾雲烟

華山寺在龍頭山西卽觀音院宋元嘉二年會稽內

史張裕

常供侍羅漢池  
生千葉白蓮花

奏建於胥湖之北隋大業

三年廢唐開成四年重立寺僧契元移置今處里

人徐世業捨山咸通間賜額

宋崇寧間  
塑觀音像

靖康間建

圓通殿

僧懷深  
有記

秦嘉銓

華山夜集分得山字同陸二雲蔡元修及  
定水檀林二上人高林霜老楓樹剛歸雲

寂莫樓南山空巖籟息一葉落深寒僧定孤燈閒  
視聽入靜見幽獨夢寤通古遺顛頑松聲子夜起

秋雨寥寥激  
和鷺柴關

周公贄

華山寺  
佳水佳山興不賒招  
提重到感年華空懷十里松

爲巷常踏孤峯寺當家石上蘚書留姓氏崖前藻  
思動雲霞  
王文格公同文齋有詩  
勳礎我無違作

追先哲祇聽  
流鶯數落花

天王禪寺在馬稅城之桃花塢唐大中元年鑿井得

天王像宣宗賜額爲天王院宋宣和間改今額紹興初更爲十方禪院

高啓

深寺隱桃花幽幽在山阻諸天藤蘿外昏黑路防虎聞說春時遊辛夷花可數沈虬

西山宿天王寺

約僧同泛范家船半日湖行卽洞天雞犬白雲仙世界桑麻黃犢隱因緣綺園作輔

埋名姓沮溺爲農詣聖賢休怪老夫猶好事芒鞋笠笠不時穿

小西湖天台教寺

卽觀音教院

在縹緲峯北二里山上有

一小湖梁大同間達法師建

唐乾符間有沉香觀音像浮湖而來西小

湖迎得之

宋末燬元泰定間昌法師剏觀音殿明永樂

十四年僧惟寅重建

曾榮有記

嘉靖間廢天啓三年重

建

白居易

湖上山頭別有湖，  
芰荷香氣占仙都。  
夜合星斗分天象，  
曉映雲霞作畫圖。  
風動綠蘋

天上浪鳥棲寒沼，  
日中烏若非

釋歸一

西小湖一曲澄如鏡

靈源法界通，獨超山頂上不與衆流同。  
影印寒潭月波搖，震澤風令名千古在。  
消落幾英雄，  
菡萏池不假金銀飾，  
渾成七寶池。  
四時原不涸，  
一勺自漣漪。  
雨蓋擎新露，  
心華映水湄。  
何須更孕質，  
見佛已多馬愈。  
與都憲徐源宿西湖講寺，  
黃葉漫空夜有時。  
聲一燈相與對，  
徐卿重樓登閣人。  
天富萬壑千巖，  
肺腑清話爲好僧。  
眠復起酒因知己。  
住還行陽春白雪，  
須同和莫把詩名負此生。  
徐崧同介石禪師自西湖寺過山居，  
欲歸乘雨止攜杖度巖阿。  
雲起前山合，  
鴉飛隔樹過。  
同行忘險峻，  
四顧渺烟波。  
何處來樵子，  
凌空一嘯歌。  
西湖講寺遇漢日禪師，  
故人三載別，  
忽報洞庭遊。  
一杖知何處，  
千峯不可求。  
西湖成邂逅，  
秋雨共淹留。  
好卜茅茨隱，  
毋同末法流。

東小湖禪寺在涵村東新安嶺宋咸淳二年建稱東

湖庵

佛殿前亦有小池與西小湖相望故名

明嘉靖間僧涵虛重建

張大純

東小湖寺嵐氣常沾半嶺青招提相望藉山靈舉頭分野何曾變也浸西湖幾點星

水月寺在縹緲峯西北塘皇塢梁大同四年建初稱

禪院隋大業六年廢唐光化中僧志勤即舊址重

建其後蘇州刺史曹珪改名明月宋祥符間賜今

額寺有無礙泉

宋蘇舜欽有水月禪院記昔山產茶入貢謂之水月茶

李彌大

賦無礙泉并引水月寺東入小青塢至縹緲峯下有泉泓澄瑩徹甘冷異於他泉而

未名紹興二年七月九日無礙居士李似矩靜養

居士胡茂老飲而樂之靜養以無礙名泉主僧願

平爲煮泉烹茶予爲賦詩甌研水月先春焙鼎煮

雲林無礙泉將謂蘇州能太守老僧還解覓詩篇

秦嘉鈐

水月寺新晴偶成新晴山色近空庭翠溢簾簾頌雨靈乾鷓引雛還覓飼鞠鳴呼婦



自梳翎一鎗寒雪烹無礙無礙滿閣香風焙小  
青衿青衿最鷓最愛驚泉谿綠外野人獨立石橋聽

報忠院在包山梁天監九年建黃濱開山宋淳祐間

僧慧奏請今額寶佑間法嗣信公重修

秦嘉銓

和邵其人明府報忠寺作寺近金庭踞一丘烟林岑寂似孤舟荒寮香積無燒豕漫

叟行吟有濁篳蕭蕭琴聲依古磬雙雙鳧影  
俯閣鷗兼葭洄湖伊人永好聽謳吟動野洲

祇園寺在五峯嶺下

本名孤園寺一名下方寺

梁大同四年散騎

常侍吳猛捨宅建內有五峯堂宋咸淳間僧名能

名輝名門修

宋李居仁記畧云吳猛夏月不驅蚊恐去已嚙親好道崇釋施所居爲寺

唐初有徹道師乃作別室於北山麓今上方院也廣明間巢寇作寺圯惟上方無恙

高啓

欲問南朝常侍宅已爲西域化人宮山僧歸帶漁舟雨湖鳥來聞粥鼓風橋袖垂簷秋殿

暗波濤驚座夜堂空給孤長者誰曾見應在烟雲杳靄中

**史弱翁**

祇園寺絕壑長林古寺開

石門殘日滿蒼苔嵐光雲影千尋落帆色湖陰萬里來池上白蓮堪結社院邊叢竹且啣杯不緣病  
減登山力待月  
遙從縹緲回

**資慶寺在涵村之湯塢晉支道林開山後唐清泰間**

**重建**

**周公贊**

資慶寺一面湖光三面山不知何處是禪關僧逢細路平橋下寺隱蒼松翠竹間呼

雨鳩翻經案濕吹花風帶磬聲閉自然景物成幽賞吟臥渾忘日暮還

**法華寺在金鐸山嶺**

**吳惠**

遊法華寺奉詔南還二月天乘開來訪法華禪兩重山色西湖上萬井人烟夕照邊祇樹

有陰眠伏虎野花無意落啼鷓南  
州群從多英俊醉後揮毫興浩然

武山與東山只隔一溪有渡水橋接相傳吳王豢虎

於此稱虎峰唐諱虎爲武虎峯之巔有寶雲庵雞

山在東南

謂吳王豢鬪雞於此有雞山廟

濮公墩在東

濮公俗訛稱鴉鴿姑

蘇志改作錦鳩峰下有壽寧菴

再東去射鶚山

謂鶚下驅雞吳王命射之血滴石今

尚赤有靈應廟

廐里在東北

吳王養馬於此

廣濟庵

在渡關口俗稱渡船庵元

至正間僧志盟建

永福寺

與洗馬池近在武山西

吳偉業

雞山飲啄丹山小長鳴澤畔雲錦冠虛恃氣金距耿超羣斂翅雌猶守專場勝未分

西施眠正熟啼報越來軍廐里夫差芻秣地遺跡五湖傳柳葉青絲鞵桃花赤汗羈花最盛降王羞

執轡艷妾笑垂鞭老驥哀鳴甚西風死骨捐

徐崧

宿武峰寺贈高涵明移衾宿武峰兩歇正

深冬引我看奇石憐人伐碧松詩篇刪不

少茗粥話猶濃况有安禪侶無愁滯客第 席後沈

次韻和臞庵留宿武峰寺客來湖上峰襍被伴寒

冬宿借菩提樹談携塵尾松交情爭雪皎詩興比

霜濃欲訪梅花徐汝嶧寄贈吳公肅武山近傍莫

信山低不倚筇釐東同有高人隱此中幾

許吳王遺跡在臨高溶武峰晚眺點罷窓前易旋

流懷古思無窮登湖畔峰藥洲空翠鎖橋

社澹雲封帆挂初升月僧歸薄張大純武山吳國

暮鐘炊烟處處起橫束遠山松多師武雄

心據此關松陵當下水笠澤傍東山渡口扁

舟急峰頭老樹閒爭傳圖霸者拳虎鬪雞還

### 渡關口

徐崧

兩阻大關口且獨登亭畔誰借問水東岸故

窮那知經兩宿愁雨又愁風又蓬窓洒春雨浙瀝

無停聲漠漠烟樹白茫茫雲水平無笠不能發無

策何以行坐待風色靜仰望天氣晴連宵空反側

孤客心婢婢兩阻大關口得讀何慈人廐里夫路

碑文載席左源事關口仍分戍烽竿豎石稜空亭

巡健卒古廟剩殘僧風雨人稀渡湖山事可憑碑

文猶未斷工  
蹟到今稱

壽寧庵在武山濮公墩下內有法雨堂

張大純

法雨原非雨曹源一滴清片言能化物忍草卽時生

永福寺在武山梁大同二年建初稱永寧院宋崇寧元年更名薦福元至正間重建奏賜今額明弘治間僧慧琛重修

張大純

梁帝僧中主禪門是處開世人能事佛總爲福因來

渡水橋東山武山似連而實斷橋以通往來或名具區風月橋舊橫木以濟元至正間周富七郎始建以石明弘治九年里人吳天禴再建楊循吉有記

葛一龍

具區橋下水悠悠具區橋邊郎發舟郎舟好載青山去免使蛾眉相對愁

徐崧

武峰東是莫釐西到者方知隔一溪夾岸橋成能渡水具區風月有誰題

長沙山在西洞庭東北上有居人數百家

余山在東山東北二里一名余侯山一名徐侯山

徐崧

癸亥十一月廿八日之東山枉道過長沙山余山莫釐猶不見極望霧漫天山小經商遠

村孤築舍堅到家停賈舶迷路問漁船不是因風便何由過麓邊

三峰寺在太湖中三山唐咸通十三年僧真銓開山

中峰寺在三山唐咸通九年僧本超開山

張大純

三山有吳妃祠或云卽西施也三山嵐影泛波光石屋烟鬟韶女裝莫是西施仙去

後芳魂猶在水雲鄉

七十二山

只計湖中者發原自天目至宜興入太湖融爲諸山

湖之西北爲山

十有四馬跡最大

在武進縣東南周百二十里與津里山接

又東爲山

四十有一西洞庭最大又東爲山十有七東山最

大

馬跡兩洞庭望之渺然如世外之境卽之茂林平野閭巷井舍各數千家仙宮梵宇往往而是

馬跡之北津里夫椒爲大

夫差敗越處近無錫

西洞庭之東

禹期

禹治水時常期諸侯於此

其北橫山陰山葉余長沙山爲

大

長沙山有石鏡

長沙之西衝山漫山爲大東山之東武

山北則余山

史記作徐侯山

西南三山

有吳妃祠

厥山澤山爲

大

此其上亦有居人數百家或數十家

馬跡之西北有若積錢者曰

錢堆稍東曰大巉小巉與錫山連中斷爲太湖舟

行其中曰獨山有若二鳧相向者曰東鴨西鴨中

爲三峰稍南大墮小墮與夫椒相對而差小爲小

椒爲杜圻

范蠡所嘗止也

西洞庭之北貢湖中有兩山相

近曰大貢小貢有若五星聚曰五石浮曰茆浮曰

思夫山

傳秦時有人採藥不返其妻思之至死故名

有若兩鳥飛欲止

者曰南鳥北鳥其西兩山南北相對而不相見

則有風雷之異曰大雷小雷稍北曰大千小千與

二千相近曰紹山曰曠浮曰東獄西獄

傳吳王於此置男女

獄其前爲粥山

吳王飼囚者

有若琴者曰琴山若杵者

杵山有對植者曰大竹小竹與衝山近有若物浮



水面可見者曰長浮瀨頭浮殿前浮其東龜山

石可

作碑與龜山相對而差小者爲龜山有如二女娟好

相對立者曰謝姑

有聖姑廟

小謝姑有若石柱巖薛者

石柱稍却金庭其南爲咳山爲歷耳中高而旁下

者筆格驤首若逝者石蛇若螺者青浮龜山西北

二里龜山旁曰小龜

俗名前灣山

二龜之間若隱若現

曰驚籃東山之南首銳而末岐者曰箭浮若屋欹

者曰王舍浮亭浮又南爲白浮澤厥之間有若笠

浮水面者簷帽山若逸於前後追而及之者貓鼠

山若穹碑立者曰石碑山

是爲七十二山

聖姑廟在洞庭鼇頭山晉王彪女得道或云姓李氏

祈禱者不誠則風迴其舟

高啓

湖心湧出鼇頭山白波翠鳥非人寰清虛宜  
作水仙府鱗堂荷屋居其間淵都羣靈孰爲

主烟鬢翛然一神女柔姿誰敢狎相親笑叱鼉龍  
起雷雨玉骨蟬輕蛻幾秋世緣已斷靜無愁采蘭  
每約湘濱會拾翠時陪漢上游水禽翔鳴衛芝蓋  
長在蒼茫杳冥外鮫人獻綃裁作衣螺女供珠纒  
爲佩花落閉祠謝古春蓮幃瑤席掩香塵空山夜  
夜星河遠芳渚年年蘅杜新霞舒霧捲凝光彩笑  
語無聞復誰待冷風幾度引舟迴宛似蓬萊隔烟  
海猿叫楓林魚躍波桂旂翻翠暮寒多女巫巫佇望  
飛帚度獨奏空篋引曼歌椒觴奠罷沉玄璧鳥沒  
遙天湛空碧遺情不結楚臺雲世人何處尋踪跡

楊基

謁小姑廟月帔星冠敞翠屏白腮紅頰兩眉  
青魚鱗小殿波紋滑龍尾長旂雨氣腥巫女

沉牛歌宛轉彭郎回馬拜娉婷蘭  
舟願祝東風便一夜夷猶過洞庭

縹緲峰最高登其顛則吳越諸山隱隱在目又有上

方下方石公龍頭金鐸

相傳吳王濞金鐸於此

渡渚

吳王嘗於此渡

軍諸山雖皆山之支隴而逶迤起伏靈棲遂構隨

高下各擅其勝

皮日休

縹緲峰頭頂華陽帽手持大夏筇清晨悟道侶來上縹緲峰帶露嗅藥蔓和雲尋鹿

蹤時驚颺颺鼠飛上千丈松翠壁內有室叩之虛  
窅鑿古穴下徹海視之寒鴻濛遇歇有佳思緣危  
無倦容須臾到絕頂似鳥穿樊籠恐足蹈海日凝  
身凌天風衆岫點巨浸四方接圓穹似將青螺髻  
撒在月明中片白作越分孤嵐爲吳宮一陣靉靄  
氣隱隱生湖東激雷與波起狂電將日紅擊擊雨  
點大金鸞轟下空暴光隔雲閃髮鬢亘天龍連拳  
百丈尾下拔湖之洪掉爲一雲山欲與昭回通移  
時却掘下細碎衡與嵩人物諒不測絕景尤難窮  
杖策下反照漸聞僊觀鍾煙波漬肌骨雲壑關心

曾竟死愛未足當生且歡逢  
不然把天爵自拜太湖公  
**范成大** 滿載清閒一  
棹孤長風相

送入仙都莫愁懷抱無  
消豁縹緲峰頭望太湖  
**吳偉業** 湖望眼明飄然如

欲御風行最高尚有魚龍氣  
草青蕪迷近遠夕陽金碧變  
陰晴夫差霸業銷沉

盡楓葉蘆花鈞艇橫  
又茲峰非云高高與衆山別  
其下多嵌空天風吹不折  
插根虛無際縹緲爲險

絕細徑緣山腰人聲來木末  
籃輿雜徒步佳處欣  
屢歇躋嶺路倍艱往往攬垂葛  
灑氣凌沆寥一身

若冰雪輕心出天地利翻生  
彷彿杖底撥殘雲了  
了見吳越羅靈燭滄浪混濇  
金光發陰霞俄已變

慘淡玄雲結歸筇破暝靄  
半嶺值虹蜺始知清境  
杳跡共人鳥滅丹砂定可求  
若爲妻子奪看君衣

上雲飛過  
**宋駿業** 縹緲峰百尺排空上登臨快風  
松間月 心湖山自今古入世逐浮沉碧

漢舒遐矚清風散素襟憑  
高意何極徙倚動長吟  
**陸德威** 奇峰拔地起突  
兀湖之濱山水

相映發魚鳥來觀人曠覽  
渺天地舉足凌星辰長  
嘯招黃鶴時時會仙真  
冷然欲御風擬與太初鄰

長壽寺在角頭鄭涇橋東唐天祐二年蘇州刺史曹

珪奏建五代清泰間僧明彥重修

俞貞木

懷家山南渡移家入洞庭村稱小步舊時名角頭流水環堂宇陳巷青松遶墓塋按

諸久知先世澤望雲常切後人情吳城今日題詩處報本須當竭寸誠

秦嘉銓

長壽山房

夜集仰懷雨公高衲安禪處深秋蠟屐過山空客慮靜庭老葉聲多蝸壁傳微照魚編見短歌遙遙懷昔意把酒對寒柯

羅漢寺在消夏灣北三里晉天福二年僧妙道開山

明永樂間僧悟修重建

周公贄

過雪上人羅漢山院籬菊纒黃楓尚青故人講院未凋零松緣隔烏濤疑雨山恰當

門翠似屏奉母蕭齋猶誌養談天玉塵已無形可堪榻上懸珠網誰閱遺編般若經

千株園在消夏灣龍舌山下宋淳祐初趙節齋先生

宋宗室  
有文集

種柑橘讀書處明陳繼儒過此題有四聲

齋額

謂樹聲鳥聲  
水聲讀書聲

順治間爲洞宗介石禪師退

居之地

介石名智珙金仙  
番光禪師法嗣

徐崧

千株園夜聞雨口占  
來蓮龜行砌草栗棘落岑苔雲樹千重繞山

樓四面開回看何縹緲此地卽蓬萊同介石禪師  
坐雨千株園曉雨停歸棹秋風感獨吟盤桓登小

閣浙瀝響千林橘柚垂簷結烟雲程文彛戊辰冬  
授地陰精藍留勝蹟往哲有同心日同亦

陶諸君坐雨千株園小閣分賦陶虛松竹掩雨後  
一憑欄落拓身無礙等閑心自寬茗香清几案烟

霽失峯巒坐受逃  
禪者幽居樂考樂

橘香庵在福源寺下同岑禪師憇錫處

同岑名大燈  
嘉興項氏覺

浪禪師  
法嗣

**徐松**

過橘香庵贈同岑禪師不意賢谿別重逢此地談山香聞橘柚秋色繞烟嵐幻住原無定

幽棲亦自堪洞庭隨處好卓錫便成庵

**釋大燈**

秋夜懷秦存古先生疎雨梧桐初遇空庭

蟋蟀借鳴坐憶伊人天際蒹葭白露盈盈又玉笛一聲何處明星萬點長天遙憶草玄亭畔不知問

字誰先又澗水細流苔砌松風靜拂簾鉤涼夜空山獨寤相思月落床頭

**仙壇觀在毛公壇側唐至德二年里人葉超玄捨宅**

**建後圯長慶中復建今廢**

**高啓**

毛公壇欲觀漢壇符東上縹緲峯葛花墜寒露夕飲清心胸月出太湖水鶴鳴空磻松真

境久寂寥蒼苔闕靈縱常聞綠毛叟變化猶神龍世人豈得見偶許樵夫逢攀陰力易疲探玄志難

從歸出白雲外空聞仙觀鐘

**朱用純**

毛公壇故址無存松雲十里叩僊壇空想當年七返

丹猶道地靈新作塚  
枯泉衰草日光寒  
張大純毛公壇盡羨還丹事

獨異白日去難逢  
觀廢松濤冷壇荒

石蘚重可能明月夜  
笙鶴下靈峯

靈祐觀在林屋洞旁即神景觀  
唐高宗乾封二年詔天下名山大

川昔朔  
靈觀  
建元和四年道士周隱遙重修天熙中使人

投龍簡歸  
賜今額宋天禧五年詔康孝基重建舊傳宮廊百間

環繞三殿故名百廊三  
殿堂前有垂絲檜三株

陸龜蒙  
曉帆逗碕岸高步入神景灑灑襟袖清如  
臨藥珠屏雖然群動息此地常寂靜翠澗

有寒鏘碧花無定影憑軒羽人傲夾戶天獸猛稽

首朝元君奉衣就虛省研空雪牙利漱水石齒冷

香母未垂嬰芝田不論頃遙通河漢口近撫松檜

項飯薦七白蔬杯醜九光杏人間附座躅固陋真

瘦頸肯信并鼈傾猶疑夏蟲永立津蕩瓊  
壘紫禾啼金鼎盡出冰雪書期君一披省



東山周五十餘里一名莫里山相傳隋莫釐將軍居

之一名胥母山謂子胥常迎母於此

在西洞庭山東過渡只十

八里今俗亦稱洞庭其陽爲率嘍塢法海寺在焉其陰爲翠

峰塢翠峰寺在焉

翠峰後實莫釐峰下有關帝廟崇禎九年席本久建小塢庵明

末了然結茅於此因羣鶻爲巢始名鶻巢陳繼儒過之改額雲石大悲殿在芙蓉峰西塢莫釐

二茅三茅在箬雲峰下大茅在莫釐峰已廢之東重岡複嶂或起或伏

民聚居之

卽翁葉秦施周諸巷招隱園在王家門首今席氏居焉席里有上席中席下席

東岳廟在下席西俗稱張師殿其一支自北而南爲宋家灣岱心

灣楊家灣華嚴寺在焉

在芙蓉峰東塢左卽翁氏墓

又南爲郁

家湖

柳毅本唐人小說已屬荒唐况在洞庭湖安得列爲古蹟

歷翠峰而南爲

犀牛嶺爲馬家塢石家塢秦家塢又南爲九峰爲

小莫釐中一支自千嶺而南爲蝦蟆嶺

下有指路石一到蝦

嶺一到白沙嶺萬曆九年立

爲象鼻嶺稍東爲栲栳墩過東爲

偃月岡施槃墓在焉折而南爲屏風山是爲金塔

下又南爲千山嶺爲俞塢興福寺在焉又南爲重

亨爲金灣爲查灣爲蕢山嘴一支自西而南岡巒

起伏尤多北爲豐圻爲石壁爲小長巷迤邐而南

爲上金爲周灣爲吳灣又南爲白沙爲嘶馬塢爲

紀革

有枇杷色白味甲天下

又南爲寒山爲嵩下爲梁家瀨

爲北葉南葉爲碧螺峰靈源寺在焉又南爲楊灣

楊灣之西爲毛園爲王舍爲南望北望彌勒寺在

焉其東爲湖沙

有湖沙廟

爲長圻

有騎龍廟

能仁寺在焉

濟廟湖神廟湖亭又在金家席家湖頭之右岸

汪楷

張西又移居洞庭遙有此寄春半移家去不還孤踪知在兩山間翠微深處應高臥雲木

蒼蒼獨閉關

王氏淑辰

觀洞庭山圖洞庭明月夜古木與天平吳王歌舞地年年春草

生徐崧

閩中秋宿洞庭山舍洞庭山月好此夕偶相投天尚貪佳節人寧惜薄遊入門穿樹

影憑檻抱香流不負庭中桂村家足酒甌十六日自洞庭還雪灘片帆懸笠澤東望指歸途岸遠烟

迷樹波平草滿湖更前逢釣艇欲問隔樵夫小港扁舟入誰知路不迂丙辰上元日送男孝承赴洞

庭書館是日喜晴村林發春氣大澤尤氤氳悠然片帆挂孤棹穿鷗羣州開露山色風急生波紋竭

來當令節旅客愛斜曛舟過洞庭東山見一舟膠淺已兩夜矣因作淒淒古渡頭春陰只愁濕湖底

現浮沙水淺無一尺有船宿雲烟膠  
住已兩夕旱滂苦不均對我三歎息  
後居何密峩峩峻嶺連三峰猶遠祀九塢自流泉  
盡識將軍澤誰參雪竇禪施王名世久鍾秀豈徒  
然

莫釐峰為東山最高頂以隋莫釐將軍得名

吳偉業

莫釐峰始信一生誤未來天際看亂峰經  
數轉遠水忽千盤獨立久方定孤懷驟已

寬亦知歸徑晚  
老續此遊難  
風吹不住只留  
石佛坐峰巔

徐崧

冬登莫釐峰携筇直上夕陽  
天四望湖山盡渺然獨苦寒

三峰庵舊在莫釐峰第三峰下故名嘉靖初遇倭亂

因祀三茅真君俗稱三茅峰萬曆間僧隱竹移建

箬帽峰南

一名箬  
雲庵

順治十七年里人席氏重建

高溶

登三茅峰晚眺御風登峻嶺一望衆山低天濶烟難接村遙樹易齊松聲寫空谷帆影卸

晴溪晚磨催雙屐言旋古廟西

二茅峰萬曆間建順治初僧慈心修

徐孝永

丙辰九日雲間顧偉人見訪暨諸東招飲二茅峰令節他鄉思愴然忽逢良友似相

憐同遊菊徑饒秋色漫舉黃鸝傍晚天老樹垂陰分客座羣峯翠靄接村烟交歡此際無如酒空憶真人碧岫前登二茅峰思家作歲晚金風起難禁勳客心故鄉頻入夢異地少知音雁影橫空落樵聲出樹陰登臺一眺望遙憶白雲深

翠峰禪寺在翠峰塢

山有九塢合流循寺門而行

唐天寶間席將

軍溫捨宅建

白樂天題詩翠峰寺有笙歌畫船之句

宋初明覺顯禪

師說法於此

淳熙戊申元日建普同塔迪功郎盛章落成之

明成化間修

嘉靖中再葺萬曆十四年僧良瑞募修大雄殿及

天王殿

翁遵仰及席某助之

三十三年僧復初建藏經閣

有方

外士張教碑記今所存只西一房

左有席氏祠堂

文徵明

空翠夾輿松十里斷碑橫路寺千年遺踪見說降龍井巖茗來嘗悟道泉伏臘滿時

收橘柚蒲團倚戶泊雲烟書生分願無過此梅不曾參雪竇禪

徐崧

登翠峰寄別席獻臣漢衡

元功昆季盡日携筇望松陵隔翠微天仍冰後暖人到場前稀身老難頻至年窮欲急歸多君兄弟

好肯爲

張大純

翠峰寺塢曲隨山徑松深啓寺門

軍捨遊忘太守尊笙歌希有事畫舫泊湖村

天衣禪院在翠峰寺右

有悟道泉顯禪師弟子天衣懷禪師汲水供衆忽折擔蹉

跌而悟故名

明萬曆間建藥師殿遠翠閣天啓間建大

悲壇今康熙九年建徽香閣翁氏重修遠翠閣

吳鼎芳

翠峰山居過陳仲醇又徑峰陰入青霞拂曙關好閒常住寺無意亦看山飲鶴空潭

上烹泉亂竹間牀頭雲一片飛去不知還

徐崧

悟道泉汲水供厨但恐遲參尋何事日孜孜陡

然一潑通身冷想見當年折擔時又寺畔山頭一椽泉住名獨占有詩篇至今飲者誰知味輸殺天

衣雪竇禪山居雨後寄安復楮三山路深還淨終朝濕翠生喬松含雨氣苦竹隱泉聲鵲語能知客

鳩啼欲喚晴從來生性抽渾不善將迎

許濟

天衣禪院訪徐松之讀其近選因同訪止公一

榻松影裏雲生山氣陰君留千古業子感百年心寄食僧厨薄長吟佛火深隔林多靜侶相就聽泉

音釋心淨

同松之居士登徽香閣次季霖山人韻憑闌堪極目遠水隔烟村古井敬樵徑

危崖老樹根紛紛花覆地翳翳竹當門夜靜吾廬近窓虛燈影昏

古雪居

取詩古雪光無際照君清素心之意

在翠峰寺後康熙初席中

翰文與喬梓爲止白淨禪師建

止白名心淨吳江張氏脫白於翠峰

寺得法於律牧禪師爲雪竇石老人法孫一生善病閉戶不出焚香靜坐所作詩偈有古雪居草

釋心淨

山居病中偶拈一鑊同余在此庵此情未識有誰諳冬來極喜黃綿襖特地開門面

正南又捲起西風屋上茅雨衝簷溜又成凹當軒生就莓苔滑到者須防跌一交又倚山結屋任高

低且就南湖作照池曳杖偶來門外立片帆飛過落霞時又松窓不使斷爐烟茗椀烹將悟道泉自

奉每慚還過分舉頭候客古谿邊又且喜隨緣聊自適不勞餘慮強安排門前山色常如此一任浮

雲幾度埋又千株樹色雲偏白一片湖光山更青正喜我門能解脫惱他蛛網罥蜻蜓又汲得清泉

意自誇又逢高士餽秋茶目前知我嫌岑寂叢菊籬根已著花又滿地清霜鋪落月一林古木戰西

風山房頓覺生寒甚品字柴頭火正紅徐臞庵居士過訪山居携筇穿落葉寂寞喜同流斜日半窓

影涼風一壑秋雲山題咏在烟水汪琬古雪居訪姓名留屈指知交者猶存幾白頭詩僧止白



不遇鳥可居雖僻能容欵戶人風松喧似雨秋雷

淡於春隙地寒蔬淺虛庭細草勻長明燈下榻寂

寞自懷止白和上尋幽每忘倦相對愜襟

疑塵**朱用純**期花氣穿雲細泉聲出竹遲心空山

更靜句妙世常知豈爲

晴湖眺春風幾度思

**陸祖脩**過古雪居訪止和

衣亦翠峰林深常礙日澗冷但聞松半偈消

清茗閒身伴短筇隔堂原祖席鐘鼓白雲封

**沈虬**松之自西峰來同宿古雪居漫賦兩載音書恨未

憑却從山寺晤曹騰與長尚覓雲山句足健聊爲

粥飯僧曾訪山人探洞壑可達角里話雙

增知君泉石膏肅遠猶喜松窓對一燈

**徐崧**癸亥冬席獻臣增建古雪居佛廬蘭若擴雲岑窮冬肯

布金鋤頭分五色屋角出干林香火先人事水霜

古佛心須知他日過憑眺更開襟

癸亥十二月朔守凍山居作湖膠愁復見且共掩禪關水氣寒凝

日風威響撼山烹泉惟撥火曝背

或開顏冷淡分明極何如醉夢間

### 彌勒寺在飯石峰下

山岡雨後往往得細石如米  
粒相傳開山禪師所施飯也  
唐

乾符間吳越王建僧德潤開山內有白蓮池

吳偉業

飯石峰半空鳴杵日狼籍甌山傷莫救黔黎餓誰開白帝倉養芝香作粒煮石露爲

漿飯顆相逢瘦詩翁說飽嘗

高峰寺在俞塲之北梁大同元年建隋廢宋祥符間

重建寺後有樓塑如來涅槃像俗名臥佛寺

徐崧

臥佛寺涅槃何有像卽此見空王塲是三生石樓爲四大床寒松池共碧晚照土俱黃悟

得無生旨寧

分坐臥裝

興福寺在俞塲南梁天監二年于將軍捨宅建僧本

清開山明景泰間深谷邃禪師重建成化間僧恩

復智勤重修

吳寬記

弘治間修天啓間僧璋等再修

吳寬

九場寒泉一澗流  
遙從木末見山頭  
春風未掃禪林雪  
更爲梅花半日留

法海寺在莫釐峰南隋莫釐將軍捨宅建梁乾化間

賜名祇園宋祥符五年改今額明萬曆二十八年

僧道金重建於內

前有清白泉一池  
半清半白又有草名香花  
甲根苗俱可食

人施理倡爲詩衆和之

吳氏淑賢

香花甲和韻寺前奇卉號香花  
曾薦仙家與佛家  
自愧深閨知識晚也  
將黛筆

學塗鴉又色翠香幽  
自出羣非蘭非芷獨

氤氳不因好事親  
求得冷落空山伴  
白雲

靈源教寺在碧螺峰下寺有靈泉故名梁天監元年

僧集善建元末燬明永樂十二年僧智昕重建大

殿正統五年僧克儉建天王殿觀音殿天順成化

崇禎間相繼修

葉顥

靈源寺僧求詩從所創韻而賦散花丈室靜焚香小小雲龕穩勝牀須信定中還有定莫言方外更無方青蓮滿眼非顏色白月流金只慧光今日相逢陪軟語塵緣俗處一時忘

兩花庵在葉巷北二里

一名兩花臺

萬曆二十七年僧松

竹建順治五年僧戒生重修

吳偉業

登東山兩花臺白雲去何處我步入雲根一水圍山閣千花夾寺門日翻深谷景烟

抹遠天痕變滅分晴晦悠然道已存

招隱園在王少傅宅西中翰王延陵遊宴處今屬席

太僕本楨

字寧侯

俗稱南園

朱用純

擊壤草堂看桂金風吹欲盡桂芳草堂幽色許東籬借香隨震澤浮月弦疑滿魄人

靜覺深秋花氣渾  
教醉何須促酒籌

**陸來**

題招隱園賦贈席獻臣朝  
宗昆季傍岩依樹結簷檻

憑仗高人得隱名  
最喜風流承內史  
鱸膾野中却

防徵詔出承明短垣常放青山入  
曲檻頻留野雀

行竹戶松關行徑絕

**沈虬**席園擊壤草堂廿載尋  
幽歷翠微意中丘壑尚

擊猿携石置棋枰

依稀花欄月榭供吟眺博局棋枰任指揮淺浦蓮

多安水閣疎林菓熟設岩屏茲來小徑渾非舊柳

絮牆多

**徐汝暉**

過太湖望東山寄贈席獻臣朝宗  
昆季渺渺湖波望洞庭此中應不

亂撲衣  
之丹經莫釐峰頂雲常白  
招隱園中桂更青  
太僕

仁風披里黨將軍奕葉有聲靈何年得遂登臨願

一過高齋  
**過於飛**寄贈席獻臣招隱園水國兼葭  
暮蒼茫獨一尋故人霞外侶  
蚊

醉醪醖

賦贈席獻臣朝宗昆季  
歸額猶存舊堂名  
獨念先

當角里深近知招隱士端爲起巖峯  
**徐崧**題招  
隱園

賦贈席獻臣朝宗昆季  
歸額猶存舊堂名  
獨念先

不竭泉至今門巷

**席後沆**天雁庵題招隱園守溪  
遺跡在古木尚承先勝

騁五湖地仙鄰九洞天看花傾白社撫石鑿平泉下榻延徐孺留題繼昔賢張大純送

菴訪席獻臣秋風嫋嫋洞庭船有客來過朔雁天黃葉晚山香閣外白雲寒月酒樽前一家孝友敦金玉終歲詩書勝管絃爲道高才宜出任時平今已靖烽烟

圓極宮在莫釐峰廟山之麓明宣德間曹雪溪金陵朝天

宮道建名靈佑廟嘉靖中廢萬曆間里人許氏重

建改今名前有大樹相傳莫釐將軍手植因呼將軍樹翠微庵卽靈佑

廟上方康熙間里人延堯峰壽聖寺椒庵音禪師

憩錫

徐崧靈佑廟更爲翠微庵玄極官西叩翠微古墳靈廟半依稀廊空風雨摧塵像山繞烟霞濕

繡幃鬼火暗移蛛網碧神鴉喧集紙灰飛上方今已更禪席不見山僧貫酒壺過翠微遇椒菴和尚

此卽堯峯院登樓思悄然湖寬留晚照山暖起晴  
烟細路危崖仄輕舟逆浪偏誰能如惠遠到處卽  
安寓新廟翠微庵卽事兼贈曉上人昏黑  
禪非陶令茅屋新詩有已公高閣推窓瞻嶺翠空牀  
歛枕聽松風浮生半日閒難得何幸相逢在客中  
晚登翠微庵大悲閣日晚憑高閣徘徊眺下方菁  
慈圍樹色澹灑露湖光行客穿斜徑歸僧趁夕陽  
時當聽梵唄  
徒倚近雲堂

能仁寺在長圻東嶺

一名長圻寺

梁天監二年僧道適建

內有池相傳見泗州塔影名泗州池

徐崧

同侯月鷺先生遊能仁寺普天塔影何曾異  
千里飛來事有無今日與君池上立始知到

者不能誣

華嚴寺在芙蓉峯下梁天監二年僧戒真建今順治

間子山

禪師重建

周胤昌

山中卽事古澗翳高樹春禽坐  
水枕石看前山白雲出松裏

法華庵在馬家塢萬曆四十年僧本然開山康熙元  
年僧子愚修

張大純

本然飛錫地金碧梵王家  
莫被法華轉須知轉法華

靈順宮在楊灣祀伍相國子胥唐貞觀二年建宋高  
宗南渡封子胥爲忠武英烈顯聖安福王里人楊  
嗣興擴修元季燬里人王萬一等重建宮故有茅  
君殿順治中里人史清字僧青蓮復募修延道士  
尤清英任持



補遺

**吳綺**

和松之春晴渡太湖水宿多成趣扁舟涉巨津星浮孤棹曉雲帶一帆春白鳥聞高詠青

山識舊人魚龍應釋**大燈**

前題江南有徐孺來往五湖中一掉乘春雨聯

自喜不厭醉歌頻釋**大燈**

五湖中一掉乘春雨聯

牀坐曉風鹿門君志在蓮社吾懷

**張大純**太湖秋

同籍口嗟方始空聞起謝公蟬韻汪三萬六千頃銀濤雪浪無時息四序流遷景最

子德培賦吳中自古稱澤國具區決滂尤無極汪

奇秋來澄澈溼空碧巒岸漁舸意自閑凌雲鴈陣

愁無力忽焉皎月揚明輝七十二峰如倒植廣寒

宮闕舞霓裳白鶴橫空矯羽翼魚龍未睡波如練

露華霏水天同色人生壯觀何處無瀟湘彭蠡已

難得不若太湖一片月包山洞庭相偃抑橋袖玲

瓏尊正美風光第一無人識秋宵滯永月西流清

光萬里**費密**送雁庵遊洞庭垂老相逢始一歡舊

橫胸臆**費密**朝風度縞衣寬清真久已高江左詞

賦誰能續建安春郭路平迴杖履晚舟酒半**陸來**

信波瀾靈威故蹟傳猶在芒屨從公再縱觀

初夏諸同人過寒齋看薔薇卽席賦詩送松之之

洞庭八人相對盡瞻然花下推年孰後先共對一

蘇州

尊開笑口分題五字聳吟肩在歌恰值清和日痛  
飲偏宜薄暮天爲是毛公會約明朝獨上五湖  
船

**蔣注**

銷夏灣峰高七十二峰中中有夫差避暑  
宮當日曾醒西子醉只今猶起大王風脫

巾石壁雙蓬髮濯足湖灘一釣翁世  
外清涼乃如此翻教銷盡霸圖雄

**沈讚**

山中喜

良時高會恰清和  
劉錕駐別後驚秋一棹過結  
伴蓬蒿求仲少論詩壇玷偉長多相陰逃暑開桑

落山雨催涼到薜蘿信步翠  
峰應不遠蒲龕猶問夜如何

**陸祖修**

山館喜  
見過正苦離

羣思欣逢孺子臨入山高士跡訪友古人心花氣  
芒鞋濕詩篇寶篋深無從謀濁酒清夜共鳴琴

**路元齡**

山中秋日寄懷  
雁翁道長并呈長公延年  
自信疎狂獨閉門君來一笑破苔痕蝦鬚

夢冷南州榻竹葉春虛北海樽鳥度夕陽隨去棹  
人歸秋水宿空村遙思釣雪灘頭月吟向西風黯

**斷釋心淨**

秋日同松之居士遊梅語亭曲徑穿林  
魂釋心淨麓開亭山半開樵夫欣客至野鳥畏人

來入戶飄黃葉沿堦繡綠苔  
獨嫌春信杳我意在探梅

要離塚在專諸巷西城上

楊維禎

金閶亭下路春草沒荒丘云是要離塚令人生古愁侏兒三尺幹不佩雙吳鉤中包

猛士膽白日照高秋忍死屠骨肉視身若蟬蛸荆軻不了恨慶忌成身謀如何五噫客死與爾同仇

高啓

弱夫殺壯士誰敢嬰餘怒今與古城近耕人肆侵墓

七姬廟在城東北隅臨頓里姬程氏

蜀人翟氏

揚州人徐

氏

黃岡人

羅氏

濮人

卞氏

海陵人

彭氏

段氏

大寧人

皆姿

容絕世工詞章善組繡爲淮張潘左丞元紹衆妾  
潘爲張士誠將明兵臨城度勢不可支以受國重  
寄義不顧家語激厲諸姬一姬段氏請及君時前  
死遂雉經六人者相繼死潘義而瘞之後圖事詳

張司丞羽權屠誌中今廟在冢旁

廟極湫隘前後俱雜廁地厲姬

之像設僅樓側一隅潘正位而七姬輔之又姬傍坐一乳兒婦無所考按城破潘元紹降士誠敗士誠與妻劉氏訣劉氏積薪齊雲樓下驅婦女上令養子辰寶舉火劉自經死徐中山遣故臣李伯升諭士誠士誠亦投縋伯升敗戶抱解復甦潘元紹繼奉命來勸士誠閉目不語昇入舟俘於南京自縊死

陳基

羣珠碎傷七姬作繡紋刺綺春纖長蘭膏鬢鬢瓊肌香芳年艷質媚花月三三兩兩紅鴛

鴛翠靴踏雲雲帖妥海棠露濕胭脂采冶情紛作蝶戀春新曲從翻玉連瓊畫堂銀燭天沉沉揚眉一笑輕千金明珠買得絲珠心欲揮魚腸掃妖孽主君勿疑心似醉一宵痛擊群珠碎門前鐵騎嘶寒風奇勳解高啓弔七姬冢疊玉連珠棄草根仙使歸元戎遊應逐馬鬼魂孤墳掩夜香初冷幾帳留春被尚溫佳麗總傷身薄命艱危未負主多恩爭妍無復呈歌舞寂寂蒼苔鎖院門

吳郡舊治按越絕書云今太守舍者春申君所造後  
殿屋以爲桃夏宮今宮者春申君子假君殿也太  
守府大殿者秦始皇刻石所起朱買臣載故妻到  
太守舍卽此唐乾寧元年刺史成及建大廳宋初  
爲節度使治所嘉祐間郡守王琪復新舊廳陳經  
繼之作子城門樓觀甚偉建炎兵燹靡有子遺紹  
興初高宗將駐蹕平江命漕臣於府治營造官室  
三年行宮成四年移幸七年三月詔賜守臣復爲  
府治承平時每歲首飾諸亭縱民遊玩以示同樂  
元初改爲平江路總管府府官皆居外私宅聽訟

決遣則會治所有舊宋廳署堂宇亭榭樓館凡三十餘所後多頽圯惟黃堂木蘭堂齊雲樓宣詔頒春二亭存焉

子城在大城內東偏相傳亦子胥所築周十二里高二丈五尺五寸歷漢唐宋皆爲郡治張士誠僭竊時據此爲太尉府及敗縱火焚之獨存南門頽垣上置官鼓司更郡人呼爲鼓樓城四面舊有水道所謂錦帆涇也今多淤塞其東尚存故蹟稱爲濠股

黃堂卽春申君假君之殿後太守居之以數失火

塗以雌黃遂名黃堂今太守正廳也

天下郡治皆名黃堂昉此

木蘭堂又名木蘭院白刺史有寄題木蘭西院詩後人以州宅後堂名之嵐齋錄云唐張搏自湖州刺史移蘇州於堂前大植木蘭花開時會郡中詩客卽席賦之陸龜蒙後至張連酌及之龜蒙徑醉強執筆題兩句云洞庭波浪渺無津日日征帆送遠人頽然醉倒搏命他客續之皆莫詳其意旣而龜蒙稍醒援筆卒其章曰幾度木蘭船上望不知元是此花身遂爲一時絕唱

范仲淹

堂上列鼓鐘多慚不如古却羨木蘭花曾見霓裳舞白鶴

楊備

木蘭枝密樹仍高堂下花光照節旄  
列鼎重茵歌舞地金章同色使君袍

齊雲樓在郡治後子城上相傳卽古月華樓吳地記  
云唐曹恭王所造白公有詩亦云改號齊雲樓蓋  
取西北有高樓上與浮雲齊之義輪奐雄特甲於

兩浙

白居易

齊雲樓晚望偶題十韻兼呈馮侍御周殷  
二協律漆倒宦情盡蕭條芳歲闌欲辭南

國去重上北城觀復疊江山壯平鋪井邑寬人稠  
過楊府坊闢半長安插霧峰頭沒穿霞日脚殘水  
光紅漾漾樹色綠漫漫約略留遺愛殷勤念舊歡  
病拋官職易老別友朋難九月全無熱西風亦未  
寒齊雲樓北面半日凭闌干又和公權登齊雲樓  
外春晴百鳥鳴樓中春酒美人傾路傍花日添衣  
色雲裏天風散珮聲向此高吟誰得意偶來閒  
客獨多情佳時莫起興亡恨遊樂今逢四海清章



憲

登齊雲樓飛樓縹緲瞰吳邦表裏江湖自一方  
曲檻高窓雲細薄落霞孤鶩水蒼茫固知與廢  
因時有獨覺江山自古長回首  
中原正愁思不堪殘日半規黃

西樓在子城西門上後更名觀風樓續圖經云元微  
之寄白樂天詩云弄潮船更曾觀否望市樓還有  
會無注云望市樓蘇之勝地今觀風樓爲近市疑

卽是此

白居易

西樓雪宴宿雲黃慘澹曉雪白飄飄散麩  
遮槐市堆花壓柳橋四郊鋪縞素萬寶覺

瓊瑤銀榼携桑落金爐上麗譙光迎舞妓  
動寒近醉人銷歌樂雖盈耳衛無五袴謠劉禹錫

西樓玩月半夜碧雲收中天素月流開城遂好客  
置酒賞新秋影透衣香潤光疑歌黛愁斜輝猶可

翫移宴楊備觀風危堞與雲齊樓下開門畫戟西  
上西樓鼓角聲沉絲管沸捲簾晴黛遠山低

范仲淹

高壓郡西城觀風不浪名山川千里色語笑萬家聲碧寺烟中靜江橋柳際明登臨

豈劉白滿目見詩情

張大純

詠西樓古蹟子城西望古西樓遺址從來數勝流刺史風騷猶

且暮名賢詩酒任沉浮千門樹色蘇臺曉四壁蟲聲槐市秋景物不殊人去遠斜陽欲下黯凝愁

顧楷仁

前題舊是興王地旋開望市樓繁華傳萬井題詠擅千秋槐柳皆名蹟笙歌亦勝遊

興亡今古恨漫說沼長洲

張霽

前題柳橋槐市依稀在蓮沼蘭堂想望賒不見西樓重惆悵夕

陽古木噪歸鴉

東樓始於唐至宋開慶元年馬楊祖建小樓於熙熙

堂之側仍名東樓額曰清芬

獨孤及

重陽陪李蘇州東樓宴詩是菊花開日當君乘興秋風前孟嘉帽月下庾公樓酒解

留征客歌能破別愁醉歸無以贈祇奉萬年調

吳俗最重節物迎春日啖春餅春糕老幼集臥龍街

競看土牛元日飲屠蘇酒作生菜春盤節糕正月

八日昏時看參星占歲水旱

諺云上八不見參星下八不見紅燈

十

三日以糯粒投焦釜老幼各占一投以卜終歲之

吉凶謂之爆字妻亦曰米花又曰卜流

言卜流年也

上

元作燈市採松竹葉結棚於通衢下綴華燈燈有

楮練羅帛琉璃魚魷麥絲竹縷諸品皆彩繪刻飾

人物故事或爲花果蟲魚動植之像又懸剪紙人

馬於傍以火運之曰走馬燈藏謎者曰彈壁燈宋

時有萬眼羅琉璃毬尤妙天下其夕會飲以米粉

作九子油餠之屬行遊五日而罷十三日試燈十八日收燈二月始和則虎丘天平觀音上方諸山遊人最盛竹輿輕窄上下如飛寒食戴麥掃墓清明插柳四月八日浮屠氏浴佛端午觀競渡饜角黍作雄黃昌陽飲兒女輩綵索纏臂簪艾葉榴花以辟邪六月二十四日画船簫鼓競於荷花蕩觀荷納涼七月七日爲乞巧會羅拜月下餽果皆曰巧如巧餅巧果之類又以線引鍼孔辨目力作承露盤明日視盤中蜘蛛含絲者爲得巧十五日僧舍多營齋供作盂蘭盆會以薦亡八月十五稱中秋虎丘

游人極盛喧闐連日夕至十八日羣往楞伽望湖  
亭看串月爲奇觀重九飲菊酒登高吳山治平寺  
爲最用麩裹肉炊之曰重陽糕又曰駱駝蹄十月  
朔祀先謁墓謂之燒衣節冬至馳賀一如元旦入  
臘春糧藏之藁囤經歲不蛀壞呼爲冬春米十二  
月二十四日祀竈用糖餅以竈神言人過惡于天  
取膠牙之意祀竈之明日用赤豆雜米爲粥以辟  
瘟名曰口數粥是夕爆竹觀儺各然火爐於門外  
焰高者喜古謂之粃盆田間然長炬名照田蠶二  
十七日掃屋塵曰除殘除夜放爆竹焚蒼木辟瘟

丹飲曰守歲酒餞曰膠牙餞夜分易門神桃符更  
春帖畫灰於道象弓矢以射崇其祝詞爲打灰堆  
一歲風俗大略如此

范成大

燈市行吳臺今古繁華地偏愛元宵燈影  
戲春前臘後天好晴已向街頭作燈市疊

玉千絲似鬼工剪羅萬眼人力窮兩品爭新最先  
出不待三五迎東風兒郎種麥荷鋤倦偷閒也向  
城中看酒壚博簫雜歌呼夜夜常如正月半災傷  
不及什之三歲寒民氣如春酣儂家亦幸荒田少  
始覺城中燈市好冬春行臘中儲蓄百事利第一  
先春年米計羣呼步碓滿門庭運杵成風雷動地  
篩勻箕健無栖糠百斛只費三日忙齊頭圓潔箭  
子長隔籬耀日雪生光土倉瓦甬分葢藏不蠹不  
腐常新香去年薄收飯不足今年頓頓炊白玉春  
耕有種夏有糧接到明年秋刈熟鄰叟來觀還歎  
嗟貧人一飯不可賒官租私債紛如麻有米冬春  
能幾家祭竈詞古傳臘月二十四竈君朝天欲言

事雲車風馬少留連家有盃盤豐典祀猪頭爛燕  
雙魚鮮荳砂甘鬆粉餌團男兒酌獻女兒避爵酒  
燒錢竈君喜婢子鬪爭君莫聞猶犬觸穢君莫與  
送君醉飽登天門杓長杓短杓勿復云乞取利市歸  
來分數粥行家臘月二十五浙米如珠和豆煮  
大杓轆轤分口數疫鬼聞香走無處餽薑屑桂澆  
蔗糖滑甘無比勝黃梁全家團樂罷晚飯在遠行  
人亦留分襦中孩子強教嘗餘波徧沾獲與藏新  
元叶氣調玉燭天行已過來萬福物無疵癘年穀  
燕長向臘殘分豆粥爆竹行歲朝爆竹傳自昔吳  
儂政用前五日食殘豆粥掃罷塵截筒五尺煨以  
薪節間汗流火力透健僕取將仍疾走兒童却立  
避其鋒當塔擊地雷霆吼一聲兩聲百鬼驚三聲  
四聲鬼巢傾十聲百聲神道寧八方上下皆和平  
却拾焦頭壘牀底猶有餘威可驅癘屏除藥裏添  
酒杯晝日嬉遊夜濃睡燒火盆行春前五日初更  
後排門然火如晴晝大家薪乾勝豆蔻小家帶葉  
燒生柴青烟滿城天半白棲鳥驚啼飛格磔兒孫  
圍坐犬雞忙鄰曲歡笑遙相望黃官氣應纔兩月  
歲陰猶驕風栗烈將迎陽艷作好春正要火盆生

煖熟照田蠶行鄉村臘月二十五長竿然炬照南  
畝近似雲開森烈星遠如風起飄流螢今春雨電  
繭絲少秋日雷鳴稻堆小儂家今夜火最明的知  
新歲田蠶好夜闌風焰西復東此占最吉餘難同  
不惟桑毀穀芫芫仍更苧麻無節菜無蟲分歲詞  
質明奉祠今古同吳儂用昏蓋土風禮成廢徹夜  
未艾飲福之餘卽分歲地爐火輒蒼木香卽盤果  
餌如蜂房就中脆餉專節物四座齒頰鏘冰霜小  
兒但喜新年至頭角長成添意氣老翁把杯心茫  
然增年翻是減吾年荆釵勸酒仍祝願但願尊前  
且強健君看今歲舊交親大有人無此杯分老翁  
飲罷笑捻鬚明朝重來醉屠蘇打灰堆詞除夜將  
闌曉星爛糞埽堆頭打如願杖敲灰起飛撲籬不  
嫌灰泥新節衣老媪當前再三祝只要我家常富  
足輕舟作商重船婦大特引犢雞哺兒野繭可纒  
麥兩岐短衲換著長衫衣當前婢子挽不住有耳  
猶能聞我語但如我願不汝呼一任汝婦彭蠡湖  
賈癡猷詞除夕更闌人不睡厭禳鈍滯迎新歲小  
兒呼叫走長街云有癡猷召人買二物於人誰獨  
無就中吳儂仍有餘巷南巷北賣不得相逢大笑



相拂榆櫟翁塊坐重簾下獨要買添令問價兒云  
翁買不須錢奉除癡賦千百年又上元紀吳中節  
物併諸體三十二韻斗野豐年屢吳臺樂事并酒  
壚先疊鼓燈市蚤投瓊價喜膏油賤祥占雨雪晴  
篔簹仙子洞藹蒼化人城檣炬疑龍見橋星訝鵲  
成小家龙獨踞高閑鹿雙撐屏展輝雲母簾垂兒  
水精萬窓花眼密千隙玉虹明蒼藟丹房挂葡萄  
絲蔓繁方綠縉史冊圓魄綴門衝擲燭騰空穩推  
毳滾地輕映光魚隱見轉影騎縱橫輕薄行歌過  
顛狂社舞呈村田蓑笠野街市管絃清里巷分題  
句官曹別扁門早船遙似泛水鷓近如生鉗楮裘  
牢戶嘲啞繪樂棚堵觀瑤席隘唱道綺叢爭禁鑰  
通三鼓歸鞭任五更桑蠶春繭勸花蝶夜蛾迎見  
子描丹筆鴛毛剪雪英寶糖珍矩救烏膩美飴餉  
熬粉團鑿意熬稗膈膊聲筵筭巫志怪香火婢輪  
誠帚卜拖裙驗箕詩落筆驚微如針屬尾賤及葦  
分莖末俗難訶止佳辰且放行此時紛僕馬有客  
靜柴荆幸甚婦長缺居然照短檠生涯惟病骨節  
物尚鄉情倚擴成併體咨詢逮

里毗誰修

吳地志聊以助譏評

